

正法念處經

四十一
四十九

是

C40
4514
84



5 6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

C40-4614

丁巳夏
家書置之武州紫雲山
我微笑塔院中永
為學者不敢許出院內
當山二世
機譚



B 64853

正法念處經卷第四十一

元魏婆羅門瞿曇般若流支譯

觀天品第六之二十

夜摩天
之六

尔時天王牟脩樓陀須夜摩天共諸天眾諸天女眾無量百千那由他千諸天大眾諸天女眾一切皆向山樹具足地處之中伽耶山所一切天眾坐蓮華座普遍虛空上彼山上見彼天眾有無量種形服莊嚴無量種色無量功德具足天女而爲圍繞彼山中天五欲功德受諸快樂爾時天王牟脩樓陀如是見已心甚歡喜共天女眾即便速向山樹具足地處天眾

5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

彼處天衆既見天王牟脩樓陀卽余速疾共天女衆
一切奉迎鼓樂音聲種種歌舞生歡喜心迭互相近
彼此和合遍山頂上種種歌舞讚歎天王牟脩樓陀
共到山上于彼山上彼此迭互種種音聲娛樂受樂
彼諸天衆如是受樂于長久時上虛空中見天狗下
如是天狗光明等事如前所說余時天衆既見如是
希有事已而復更生疑慮之心有大怖畏卽余前近
牟脩樓陀夜摩天王依止附近有向虛空直視觀者
有先曾聞彼天狗者離放逸行共彼天主牟脩樓陀
誠心禮佛復有怖畏入金窟者有依樹者此一種天

無勇無力有天走趣牟脩樓陀夜摩天王望歸求救
此如是見第一希有生疑慮心余時天主牟脩樓陀
見如是已告天衆言汝等天衆爲知不知如此光明
在虛空中臨欲墮地汝等皆來其中有天先不知者
則白天王牟脩樓陀而作是言我實不知今見如是
希有之事我實不知余時天王牟脩樓陀喚一切天
而告之言汝等天衆一切皆聽我今爲說以虛空中
光炎墮地汝等天衆有怖畏者希有心者余時如是
一切天衆夜摩天王牟脩樓陀爲之說言汝等皆聽
于我此處在上極遠復有天衆彼一切種量色形相

5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

長命業因百倍勝我是菩薩處第一勝淨枉人中時
 五種持戒不孔不穿堅固不犯有無量種勝脩行故
 身壞命終生于善道天世界中彼天世界名兜率陀
 兜率陀中若所受樂若諸園林若諸天女若諸光明
 若色若力若利智慧若長壽命若無量樂或身或心
 若所受用資生之具若天女色彼十六分此夜摩天
 不及其一彼天功德非我能說彼天光明形我此處
 夜摩天光如螢火蟲于日不異若諸光明若所受用
 資生之具一切不及彼天久時無量種種受諸快樂
 彼天之樂第一可慶種種諸物五欲功德種種境界

而受快樂勝于此處夜摩天樂于長久時善業乃盡
 無常金剛打令碎壞彼無常法一切衆生必定皆有
 必定種子不定種子一切衆生皆悉具有無常到已
 其命則盡善業盡故即便退彼兜率天處一切有爲
 流動如燈謂生住滅一切三界無物不動而是常者
 一切皆動一切終盡非是常法無處是常諸有爲法
 必定退失是故彼處兜率陀天必當退失如燈油盡
 及炷等盡其燈則滅燈旣滅已則有閻生燈生閻滅
 燈滅閻生如種滅已則有芽生如是如是彼業盡故
 其命則盡彼處諸天兜率陀中如是退故汝等今見

5 6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

彼天已死以業力故有如是相身是無記雖死而有
如是光明何況復有無量善業所化光明第一勝上
決定善業所化光明汝夜摩天從今應知彼相如是
彼若未死有何光明有何威德有何莊嚴有何等業
彼不可說無有譬諭彼天如是四倍善業之所化作
如是終盡何況我此三倍持戒少業所化汝等皆生
夜摩天處坏脆無常有爲滓濁是故此天與彼殊絕
彼天如是猶尚破壞何況汝等而不破壞尔時天王
牟脩樓陀而說偈言

無常天狗瞬燒兜率陀天不自在故滅如燈油炷盡

業力之所推大力十二輻業輪之所轉上下不停住
取種種境界無量門莊嚴以時滿足故閻退不自在
時節自在故艸木如是生彼既時到已還復乾枯燥
天如是時到則成就天樂如是復時到還退不自在
業于時到時流轉于世間以時自在故樂者還受苦
若受樂受苦易信境界常此一切因緣苦樂則差別
一切皆無樂一切業自在苦亦亦無常皆是業因故
異異諸果生有爲法流轉欲知此因緣應知四聖諦
若知四聖諦彼必得解脫癡樂境界者世間轉如輪
善知義知諦彼則得解脫不知義諦者則無解脫期

彼若如是知世間無常已則起解脫意遮不善業心
彼夜摩天如是怖畏須夜摩天有無量種無量分別
彼夜摩天王牟脩樓陀與法相應如是說道尔時彼
天旣聞天王智者語已心各差別有獸離者獸生死
者畏生死者又復心轉喜樂境界伽耶山中種種園
林種種戲處多有流水蓮華池等莊嚴之處樹枝所
覆寶藏莊嚴有種種鳥音聲可愛有蓮華池種種莊
嚴有大七寶而莊嚴山多有無量可愛聲觸味色香
等種種境界共天女眾喜樂境界愛樂成就忘前獸
離不復憶念又諸境界初樂後苦共天女眾如是境

界而受諸樂彼山處故心之獮猴以自在力于中受
樂又復天眾皆共天主牟脩樓陀相隨而還有乘空
者坐蓮華者有乘無量莊嚴處者所謂有天乘孔雀
者乘白象者有乘鶴者乘鴛鴦者有如是等種種異
乘天女圍遶若歌若舞種種樂音如天相應在其天
主牟脩樓陀天王之前向戲樂林牟脩樓陀天王住
處種種深心生意覺知有獸離者有放逸者如是種
種遊戲境界而受快樂戲樂林中地處諸天如是差
別種種不同若復彼處山樹具足地處住天在伽耶
山頂上而住彼種種意嬉戲受樂其中有天生獸離

5 6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

者如是種種無量分別無量境界而受快樂。如是無量境界受樂心不厭足。如是乃至善業樂因盡爛壞失于彼天處業盡而退。如是退已種種業繩之所繫縛。生于地獄餓鬼畜生若生人中常在樂處諸根具足有善智慧第一大心第一大富爲一切人常所供養端正好色。若爲人王若爲大臣以餘業故。又彼比丘知業果報觀夜摩天所有地處彼卽聞知復有地處名廣博行衆生何業生彼地處彼見聞知。若善男子近善知識信業果報心意正直隨順法行受持禁戒正見不妄修正見行常近耆宿于佛法僧。

生清淨信。信于生死常一切時善攝諸根不著境界怖畏生死知愛別離生老病死恩愛聚會恩愛離別一切皆知于五聚陰識知其過常勤精進順行善業離惡知識常一切時樂聞正法聞已思惟已知義攝持在心知離欲味常不殺生常不偷盜如前所說復捨表行于婦女色眼不樂見于其歌舞莊嚴音聲聞已不味于畫婦女若見若聞無不善念夢見婦女覺已不樂不生愛念不多行欲常正觀營捨離表姓棄于欲事如毒無異彼人如是功德相應常行善業恒有善念離垢染心持戒普淨善護禁戒彼人如是

身壞命終生于善道天世界中。在夜摩天廣博行處
彼三功德樂修多作。愛樂淨戒持戒得果生于彼處
纔生于彼卽聞天鳥種種音聲。第一可愛如跋求聲
鼻所艱香本未曾有。第一天香艱彼香已生第一樂
身所覺觸本未曾得。心意清淨而不濁亂如心回轉
正相應故則生歡喜味亦如是有種種味本未曾得
彼天如是六識之前受樂已。如是思念此何世間
我住何處此處一切皆悉可愛皆悉可樂與本皆異。
此處世間見一切色無量好色復見自身所有光明
勝日光明離肉骨汗離諸不淨離影離暎離肌離筋

離大小節離于堅觸身體柔軟普身諸分一切皆軟
離于疲倦自所念行若來若去皆無障礙離于求索
離身偃曲彼此迭互不相憎嫉身體雜毛頭髮皆旋
一一毛旋眼所對矚無有妨礙境界不劣離于諸障
聲觸味香身不增減不變不老恒常有力天女妒嫉
怖畏怯弱一切皆離身自具足離求莊嚴離求財物
于諸天女離攝取過復何所離于園林中處處游行
無所怖畏離怨家畏離不淨畏離于知足見自己身
則生愛樂念念增長天無量種諸境界樂如所希望
有樂皆得希望樂已以少智故心如是疑我何處來

我此身者爲是何身。此是何處。此處何名。彼如是疑
心中思量。譬如醉人。或有睡人夜有四分。三分已過。
從睡而寤于良久時。彼心疑惑。我是何人。我何處住。
少時思念。余乃得知。如是如是。始生天子于良久時。
心思惟已然後。乃知我人中死來生此處。彼天如是。
于人中時持戒熏思。如是相似生于天中。若閻浮提。
不樂境界。在彼天處初生之時。亦不喜樂。何以故。本
熏思故。時從如是始生天子于良久時。如是覺知我
在天處。以善業故。天世間生。若人如是于人中死生。
于天中。彼持戒來猶故。如是不著境界。如是後時天

上退已生于人中。本天上時所習熏故。有相似相。如
是人中。以熏思故。後時死已生于天中。不樂境界。不
近姪欲。時彼如是始生天子。以持戒故。雖生彼天不
近境界。以餘業故。令心如是不樂境界。若出地獄生
天中者。彼生業故。在地獄中難可得出。餘善業故。以
少願。故得出地獄。生于天中。以在如是苦惱處來生。
在天中得樂。卽著心生歡喜。又多瞋恚。喜樂園林流
水河池。種種蓮華勝。愛樂心。喜戲游行。彼于飲食愛
樂心強。彼意相續之所熏。故若出餓鬼。有餘業故。生
天中者。意相續熏。樂食心強。愛于飲食。常處于冷。多

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

樂婦女彼熏意故若出畜生有餘業故生天中者則多飲食如畜生中多食多飲生于天中亦復如是多食多飲少飲多食愛欲心強以意相續熏故如是若無色界四處退已生彼天者以本修得三摩跋提是故生彼無色界中四地處生業盡故退生彼天中如是本意相續熏故如是愛觸味色香等如是得已而復不樂以心安靜不多亂故彼熏心故若干色界依止初禪如是乃至依止四禪彼禪盡故退生欲界如是本意相續熏故有下中上心樂坐禪境界樂心少而復多若欲界天欲界中退還生欲界以生業故如

是二道作眾善業若天若人如是二種欲天中退還生欲天作善業故惟欲界中一切諸天二種業熏除淨居天彼淨居天非生業熟非餘業熟如是業風常次一切世間眾生令其流轉心絰所繫亦爲種種業絰所縛無量百千與心信解無量分別次第相續于五道中流轉常行尔時如是始生天子如是觀營如是思念然後乃知我于善道退來生此我人中退而來生此受生業故彼如是知彼業故生若餘業生如是亦知以何因緣知此天子非餘業生若餘業生久時因緣或一百劫能與果報有一千劫或百千劫少

天眼者不自見知。本過去生久遠之業因緣生此。生業生者則知來處。彼如是觀生因緣已。心生憍慢。未久之間善業熏故于境界中生愛著心。有無量種。彼天尔乃如是念知我今在于夜摩天中心廣博行地處生已卽生心時諸天女衆而現在前以善業故彼天女衆速來圍遶。以彼天子善業力故天女來至若彼天女生來久者則不羞恥近欲抱之。遶彼天子。共園林中而受諸樂以善業價得彼天女種種功德第一可愛而共受樂于彼地處有好山林蓮華河池澗谷流水有好平地有好金窟樹枝之舍無量百千種種諸鳥種種音聲無量百千天女之衆迭相圍遶在如是處歌舞游戲彼處園中有七寶窟處處游行如是種種眼所見者皆悉可愛。彼處有山名爲廣少。彼山之峯七寶光明種種莊嚴種種寶石雜雜間錯有蓮華林皆是七寶在園林中多有河池如是種種莊嚴之處以善業故妙色莊嚴于如是處歌舞游戲種種受樂彼天如是同受樂已有于水中而游戲者如是種種欲到地獄餓鬼畜生以善業故戲樂不止。彼諸天等自于身中示一切天業相名字。若天前世作何善業何心作業于何時作何因緣作何生處作此。

5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

如是等。于下中上福田具足財物具足。而作善業。彼一切相于自身中見其名字。譬如明了善書畫者。各各別處。隨其所作歷然分明。如彼名字。此天如是。善業畫師。于業地處。一切善業皆悉普畫。善業彩色。善淨光明。見則極愛。畫作彼天。一切樂見。如彼善業巧畫之色。如是而生彼天之身。以有如是畫字相現。百倍嚴勝。譬如第一百鍊真金。或復其餘赤蓮華寶。或青色寶。于如是等種種勝寶端嚴可愛。彼天身相。百倍端嚴。如是畫相。自眼不見。何以故。以在領下咽上。相故。是以不見。若彼天子心未放逸。則便更互相見。

此相。又善業因。如是更互相見。此相。彼廣博行地處。之天。如是希有。彼天復有。希有之相。如咽之相。額上亦。介以善業。故有如是相。種種業畫。種種色相。所謂相者。云何而退。于何時退。如是退已。當生何處。彼種種色。種種畫。相。彼天額中。皆悉具見。此希有相。是業所作。彼天身上。如是華鬘。種種雜雜。如是端嚴。如餘異處。所有諸天。種種華鬘。莊嚴身首。端嚴殊妙。此相莊嚴。亦復如是。又彼諸天。復有善業果報成熟。自業畫身。共諸天女。種種畫身。勝莊嚴者。受諸快樂。無量種種園林之內。于廣博行地處之中。游戲受樂。既受

樂已復向一河。河名善雜。彼河從于雜愛山峯流出而來。故名善雜。有種種寶莊嚴。彼河無量鳥眾種種音聲。多有無量種種異樹莊嚴。彼河有種種華。其華雜色。有百千方異色不同。莊嚴河岸無量天女近彼河岸游戲受樂。又復更有殊妙河水。名爲雜河。此河從于雜色崖岸山峯流出。故名雜河。如是雜河。若天近之于本生處。則能億知。彼天若從地獄中來到彼河岸。則便億知。既億知已。有極可愛五欲功德。皆悉具足。有諸天女心甚歡喜游戲受樂。以心億知曾受苦惱。故于樂事一切皆忘。如是厭欲而說偈言。

地獄熾火中。苦切甚大苦。我等惡業盡。皆來在此處。業善果亦善。諸功德莊嚴。業惡故果苦。必定如是。受我于苦樂中。輪轉生死處。業風吹令轉。猶如海中波。若有心作惡。喜樂惡事者。彼不善行。故因緣墮地獄。得脫彼地獄。來生此天處。忘彼處苦已。而復行欲樂。此境眾流轉苦樂。如梁繩而心甚堅韌。受苦不厭倦。此彼岸和合諸相之所証。爲愛縉所縛。一切流生死。出地獄生鬼。出鬼生畜。生出餘畜。作龍出龍。生三處業。如是常行世間。轉如輪。以久來習故。猶不生疲倦。愛樂龍宮殿。不樂地獄苦。流轉于有獄有樂不樂處。

5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

千鉢頭摩苦百億鉢頭摩。如是時受苦癡故不厭倦。三鬼皆無樂普遍一切苦。衆生爲癡証而不生厭倦。如是受苦已癡故造苦因。由因故有果。如果從種子。境鬼所迷心。勇健有大力。衆生調彼心。令彼時宗靜。彼心調伏已。一切鬼轉行輪。迴于三有。不能見真諦。如以風因緣令海水波動。如是因緣心令世間常轉。衆生著婦女爲苦樂所執不到于善地。無苦惱之處。若億知苦時。則生厭離心。既忘彼苦惱還著樂放逸。若有能億知地獄苦惱者。如是天中樂。猶如小微塵。彼天皆億本曾生處。諸有近彼雜色崖岸山峯所出。

雜河岸者。則皆億知本曾生處。若離去者于本生處。一切皆忘。彼復于苦心既忘已。忘本生處。忘本生已。而復樂著種種境鬼。有無量種無異相似可愛聲觸。味色香等天妙境鬼。如是受樂既受樂已。而復更向。名久欲山。彼久欲山普皆可愛。有第一河蓮華水池。其水清淨圍遶彼山。鵝鴨鴛鴦在彼河池而爲莊嚴。種種金寶爲河兩岸。水流之聲有種種音。彼山之中。如是等河。其數一萬種種樹林。種種衆鳥而爲莊嚴。彼諸河中四河最勝。所謂四者。一名速流。二名金鬘。三名毗瑠璃水。四名樂漂。是名爲四。尔時天衆自業。

5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

果熟。一切如是生歡喜心種種衣服莊嚴其身。遊戲受樂。向速流河。近彼河岸有長妙華極大樹林。名無量樂。其華開敷。其枝密覆。間無空處。無量百千種種色花。有流水池。種種諸鳥。鳥身皆是種種雜寶。衆鳥音聲。處處遍滿。彼速流河。第二岸邊有蓮華池。彼池名曰醉蜂。巡行如日初出赤色。蓮華在彼池中。以爲莊嚴。如是蓮華。有第一香。普覆池水。彼河二岸。一有樹林。一有華池。彼河長量五百由旬。廣五由旬。其水普清。水中生華。遍覆其水。華葉雜色。若干種種。有一第一香。彼如是香。遍五由旬。尔時彼處如是諸天隨心。

所念有天在於園林中者。有天在於蓮華中者。如心所念。游戲受樂。與天女眾彼此迭共歡喜受樂。自有光明。以善業力。在彼處生。彼速流河。于兩岸邊廣博行天種種游戲。而受快樂。如是一河。彼金蔓河。從山峯出。彼山名衣。又衣山峯復出。此河。此金蔓河甚爲可愛。河在衣山。猶如金蔓。故名此河。以爲金蔓。彼金蔓河。如是功德。所謂其水。悉是天酒。遠離酒過。第一善香味。色觸等。皆如心意。一切具足。有所億念。不妨不亂。爾時彼天。共諸天女。飲如是酒。復受勝樂。彼一天。皆有無量諸天女眾之所圍繞。心意樂著。五欲。

5 6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

境界五樂音聲稱情美妙共諸天女隨心所念如意自在金鬘河邊成就無量種種勝樂于境界中心不缺足又復歌舞種種遊戲受諸快樂從一山口至一山口從一山峯至一山峯從一河岸至一河岸從蓮華池至蓮華池從園林處至園林處從樹根下至樹根下如是種種諸處受樂既受樂已次復往向毗琉璃水第三河所毗琉璃水第三河中其水清淨如毗琉璃彼處多有毗琉璃樹又復多有毗琉璃鳥在波水中其水波鬟其味甚美淨潔清水徐流不急其水極深有妙音聲善業力故毗琉璃水如是緩流天欲受樂有心念時到彼河中境界渴故種種愛貪彼天受樂不在一處有在河岸而受樂者有在水中而受樂者共諸天女第一嬉戲而受快樂彼諸天衆皆悉乘鳥從一水波到一水波處處游行從一水淀入一水淀從一迴波入一迴波有入水者入已復出更入急處又復彼天從一蓮華入一蓮華又復從一優鉢羅林更入其餘優鉢羅林如是游行百到千到成就樂受不可譬諭又復彼天善業力故境界空靜毗琉璃水清淨之處見業果報若其有天持戒淨勝若智慧勝彼則能見本何因緣如是作業得生彼天毗琉璃

5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34

琉璃水清淨之處一切皆見以何因緣如是心生億念往事以前世時于福田中有清淨心漢生信故彼一切天一一各各作如是心我境界力如是動轉五染之水在愛河中如是漂我令我不覺無常退至我于此處必定當退如過去世所作業相生此之因自咽上現彼天既見如是相故知過去世作如是等善業因緣來生此處如是受樂若彼業盡于此天上必定當退如是念已彼此迭互相向而說復見五道怖畏之處見怖畏已彼一切天各生厭離毗瑠璃水河岸邊處而說偈言

若過去脩善爲善人所愛今此天處受念念向盡去彼盡已則退天中善報處一切樂因緣皆如是盡滅既入無常手一切皆破壞若法無常者令一切皆貪如是無常法能與一切貪愚癡少智者貪著于欲味癡不覺知過如食波迦果色聲等繫縛愛故受苦惱惡業迷衆生令不得自在以造惡業故則受惡業果諸著欲味者欲害如毒果著欲不知足故墮地獄中常樂行施戒施戒福成就若常如是行彼則生天上持戒常修行捨離不善業恭敬修威儀彼則生天上愍衆生安慰深信于佛法攝心安靜者彼則生天上

5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

若于怨家所慈心離瞋垢常宗靜心者彼則生天上
 若心中無瞋彼善而無惱勇善調伏者彼則生天上
 常實語持戒而不多言說知堅知不堅彼則生天上
 若不樂世間厭離老死法常樂于涅槃彼則生天上
 若樹下塚間如是山谷等常一心禪者彼則生天上
 知時敬父母不近惡知識常行慈心者彼則生天上
 不樂聚落城及戲處道行一處住知足彼則生天上
 若善自觀身常見其不淨知自身如是彼則生天上
 若能知法網種種法網知不喜樂生死彼則生天上
 若覺知諸法無量種種生雖見不喜樂彼則生天上

心念念如幻如乾闥槃城若調伏此心彼則生天上
 若諦知一相或善知二相心于欲厭離彼則生天上
 于他妻如母于一切如父若如是平等彼則生天上
 若恒離兩舌常樂和合他心不慳而直彼則生天上
 于他一切物皆如土塊等自心生知足彼則生天上
 若于夜于晝常能離懈怠勤行精進者彼則生天上
 若離慢貪瞋復離于懈怠如是捨離者彼則生天上
 恒不樂五塵五塵不破戒常護戒智者彼則生天上
 若能知四取四諦亦如是智者如是知彼則生天上
 若知苦苦報亦復知苦沒如是諦見者彼則生天上

5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

若得衰惱已而不捨于法是攝受法者彼則生天上
若著壞色衣及著糞埽衣善心不行惡彼則生天上
若一切時禪常有出世心恒樂空閑處彼則生天上
若美若不美隨他之所得心不喜不瞋彼則生天上
若著麤鄙衣塵土糞埽衣如是衣知足彼則生天上
若牀若池樓或復在餘處不生苦樂心彼則生天上
于眼所見色青黃赤白等若如實諦見彼則生天上
若聞愛不愛二種聲不樂心正不動亂彼則生天上
調伏于六相而不樂境界攝心不動亂彼則生天上
如是大饒益恒常受快樂若一切皆作彼則生天上

如一切業作是則爲最勝行無垢法者彼則生天上
若知于業報而能作業報于苦常怖畏彼則生天上
彼天如是頷下咽中見諸相已極大怖畏已說此偈
于河岸邊共諸天衆本性放逸以本業故于咽中現
若至餘處則不復見若有因緣則便見之若無因緣
雖有不見何以故以一切法因緣生故又復彼天本
性放逸性放逸行離久欲山復向餘山山名寶園歡
喜心故種種莊嚴現在生欲能牽其心不計未來所
有諸畏以相搖動不宗靜故于彼天中受第一樂歌
舞喜笑種種游戲于河岸邊種種樹枝諸華具足彼

5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

處多有常歡喜鳥復有寶山勝寶圍山無量百千分
分之處皆悉具有雜寶間錯而彼諸天希望樂故欲
往見之時彼天眾遙見彼山光燄圍邊如穿虛空光
燄上出天不曾見忽尒見之彼山光明青黃赤紫普
萬由旬又復如是雜雜光明出勝其餘無量寶山所
有光明如須彌山所有光明能壞一切其餘諸山所
有光明此寶圍山所有光明能壞其餘寶山光明亦
復如是彼寶圍山脰若看者能令眼樂又復第二能
與耳樂所謂種種河池之聲有孔雀等七寶翅鳥種
種音聲有如是等無量種鳥種種音聲彼有寶樹樹

有鈴網風吹出聲其聲美妙不可譬喻寶圍大山以
如是聲能令耳樂彼寶圍山又復能與第三相樂而
彼天眾猶未至山謂彼山中從無量華出無量香令
天鼻樂彼寶圍山如是能令第三相樂彼寶圍山又
復能與第四相樂所謂能令舌相得樂色香味酒能
令豐足種種美果皆令飽滿彼寶圍山又復能令天
身皆得無縷衣觸無量衣服皆甚柔軟復有冷風隨
念樂觸以吹其身彼大寶山如是能與天之快樂彼
天五相如是受樂如五相樂意亦如是得第一樂此
寶圍山于一切相皆令得樂如是饒益一切天眾尔

5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

時彼天既到如是寶園山已。彼寶園山光炎圍遶出無量種炎光明圍多有無量百千蓮華流水河地以爲莊嚴金毗璠琉璃青色妙寶白銀寶等種種雜雜百千莊嚴彼天既見如是山已。本性自樂見彼山故百倍受樂共諸天女迭互各各更相受樂生歡喜心勝勝希望意甚欲見彼寶園山窟窟谷谷處處皆有蓮華池林從一山峯至一山峯從河至河蘇陀之處從一寶林至一寶林處處遍見種種鳥衆復聞其聲五樂之音游戲受樂彼天眼耳鼻舌身等五種境界一切可愛彼栴聲觸味色香等各各勝妙如是諸栴于

境界中一一受樂如是境界愛放逸故現在世中若苦若樂過去世時若苦若樂皆悉忘失如前業果種種字畫于其咽中先所見者一切皆忘如是游戲種種受樂是故皆忘本所作業彼大勝妙寶園山峯名淨無垢如是無垢清淨之處見行殿塵天在殿行殿所行處有妙寶塵彼清淨處尚見殿塵何況其餘天身等物種種莊嚴可愛身色業畫所作有異異種若此天衆命盡故退何業所作以善業力咽中字畫如是皆見彼初見已不生厭離何以故以愚癡故初得欲味卽便樂著不生厭心彼愚鈍天若爲他示或自

覺知見彼欲過卽便覺知事至怖畏彼天如是貪著
欲味見其過患則于後時悔火所燒云何我本不捨
此欲如毒刀火此欲乃是地獄餓鬼畜生惡趣之中如是
以此欲因緣故必墮地獄餓鬼畜生之因我今
過患則于彼欲不味不著知欲過故以有智慧見彼
過故後則不悔若不憊樂彼欲境鬼失不憂者本修
心故

正法念處經卷第四十一

校譌

希正作稀俗作憊此卷希憊雜出今正

音釋

睭失井切睭五圖切睭鄭切睭居沿切睭回泉也

新野信官馬之駿助刻于寒山化城菴

正法念處經卷第四十二

元魏斐羅門瞿曇般若流支譯

觀天品第六之二十一

夜摩天之七

尔時彼天次第而行上彼山峯第一無垢如鏡之地
彼諸天衆業地鏡中自見其身分分明了彼諸天等
若有先修身口意者業地鏡中得見自身額中所現
業果生死如彼某時某處某國某因某緣某退相等
一切皆見亦見他相當退之相隨何者天額中畫字
餘業之相或有生業彼一切相業地鏡中一切自見
退夜摩天若是餘業或是生業或身惡業或口惡業

5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

或意惡業。如是因緣退已當生某地獄中。某餓鬼中。
 某畜生中。從畜生處既得脫已行欲放逸之所証故。
 業風所吹轉其處生。又復如是欲過中出彼于額上。
 字書畫中一切具見于額畫中亦如是見。欲過中出。
 如某欲法。如是對治所謂修欲無光明觀。不爲彼欲。
 之所能証。又復彼欲有異對治謂見此色是虛妄見。
 于如是色隨順見已。心正觀答慚欲之心更不增長。
 如是如是五境界中。如欲過患如是諦觀。彼天如是。
 則無喜憂。喜憂之心不能爲妨。不能爲礙。喜憂乃是。
 生死種子。彼天如是欲中得出額畫字中一切皆見。

彼既見已。若勝修身。若勝修意。彼能捨欲見欲過患。
 故知出欲知出過已。見先受樂境。鬼過患如食毒來。
 今所受欲亦如是見。何以故。以于境鬼受欲樂故。墮
 于惡道。如是修故捨離境鬼若干。額上畫字書中見。
 惡道業墮于惡道地獄餓鬼畜生之中。見彼業已。彼
 如是業。一切皆失。生善道業。一切皆生善業。力故。彼
 諸天子。如是見已。深生信心。造作善業。如是乃至造
 作涅槃種子。善業若更餘天少智慧者。其心樂欲。彼
 前作業業網自在。既見業畫文字相已生。如是心。若
 我此處後時退已。或生人中。或生天中。彼天如是見。

5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

生處已。心不驚怖而復更入五境界波愛河中。酒以放逸故行放逸行。如是天者不會學來。不會聞來。少智慧故于欲不知不能離。欲善法則滅。而復更作其餘生業地獄餓鬼畜生之業。何以故。一切善業皆悉盡。故欲所誑。故而復墮于地獄餓鬼畜生之中。余時有鳥名爲賢語。見放逸天行放逸行。天善業故而說偈言。

若善牽心者。如是則得善。若隨不善者。如是得不善。一切多用心知地風水火體所得因緣心。如是行轉。心能速疾行。亦能速疾回速。將至天中。速令人惡道。

心速疾行善。若能防護心。一切法能作。一切業能斷。一切法行主。所謂彼心是復以。如是義故得名爲心。心常求人。便皆不應信之。體性甚慢。動大力不可持。須臾間作善。須臾作不善。如是作無記。其行不可測。心來不可知。心去不可識。先無後時。有已有還。復無心。無有處所和集。不可得以無身體故。不可得捉持。因緣和合。故念念如是。生如珠牛糞合。因緣而生火。如是相色等。一切因緣心。非一能生心。和合故生心。如是知心。已知心難調伏。意隨正法行。慎勿喜樂欲。彼天如是既聞偈已。修身修意二種修心。既修心已。

不樂境鬼隨順法行退夜摩天復生勝處不離天處
若生人中或爲人王或爲天臣或時得種解脫種子
三種菩提隨願皆得或具善業作轉輪王皆彼諸天
如是希有見千業相如鏡中見心不調者彼天復墮
地獄餓鬼畜生之中又彼比丘觀此希有業畫文字
果報之相彼則觀見若人精勤專意淡心畫如來像
若有思信宗靜之心如是書寫正法文典心意宗靜
彼人生天咽中額上見則生信又復有人心無正信
或爲王敕或爲他遣或爲取物活命因緣若書經文
或畫佛像亦生天中見則不信多行放逸彼亦造作
善業種子得生天中雖見不信以離信來離思來故
如是無因則無業果如是一切皆從因緣相似業生
若復有天性喜放逸行放逸行受天境鬼五欲之樂
常不厭足復于增長無量欲山寶圍山中于長久時
五欲功德而受樂已共天女衆如是種種遊戲受樂
後離如是五欲功德莊嚴之山復向第三珠圍山去
生歡喜心五樂音聲在道遊戲普勝妙事第一成就
于須臾間具足受樂如意所念種種境鬼而受快樂
既于山中在河岸邊受欲樂已方至第三珠圍之山
如是如是天可愛樂境鬼受樂如是如是喜愛增長

5 6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

以于彼變不解脫故欲火所燒于彼聲觸味色香等
不知獸足境界河中亦不獸足如彌那魚如是第三
名珠圍山一庵則是青色珠寶次第二庵赤蓮華寶
次第三庵是磚礫寶次第四庵是白銀寶彼天見已
生歡喜心迭互相向如是說言天當看此無量種種
端嚴殊妙種種光明此寶光明百萬由旬皆悉普覆
入彼光明不可分別此勝光明青黃赤白有無量種
彼諸天衆如是說已復向餘林林名樹稠彼諸天衆
諸天女衆生歡喜心無量音樂隨種種處皆悉樂見
次到彼林善業成熟種種莊嚴如是游行種種受樂

乃于久時行放逸行爲變所使尔時彼天見樹稠林
諸七寶樹干彼林中見有二河第一香水勝味觸水
如意念則有水滿彼河之水隨念而轉彼河銀岸
多有種種異異諸鳥彼一河者名爲雜水次第二河
名如意水彼雜水者本性自體如是雜水第一清淨
水流盈滿彼種種水遠離醉過善業因緣其水則有
無量種色是故彼河名爲雜水又第二河名如意水
隨彼天心種種意念如是水生若念酥陀則酥陀流
第一白淨第一香味酥陀流滿若彼諸天意念天酒
則有色香觸味具足美妙天酒滿中流出若念山澤

5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

種種與華。則有色香觸等具足。如是妙華滿河流出。于其華中有種種蜂以爲莊嚴。彼華之名尚不可說。如是第二如意水河。種種流滿彼處。如是樹稠林中。有如是華莊嚴可愛。彼處諸天在兩河中處處遊戲。種種受樂。可愛聲觸味色香等。種種受樂。以善業故。共飲天酒。種種受樂。聞樂音聲。種種耳樂。種種歡喜。隨心具足。受種種樂。遠離憂悲。遠離飢渴。離于怖畏。于境界中。常不知足。如飲鹹水。墮增其渴。有無量種無量分別。有無量種受天之樂。彼天如是行林河中。受樂行已。彼處有鳥。名曰河行見天放逸。而說偈言。

猶如此水流天樂亦如是。命念念不住。癡故不覺知。老病死等。故能令業盡退。天不離此法。常隨逐欲行。命則非是常。三界樂亦尔。天癡爲欲誑。如是不覺知。如空中水滴。必墮而不停。一切樂如是。與雨滴不異。如風吹塵土。迭互競相推轉于虛空中。身轉亦如是。此樂非勝樂。貪誑不常定。與愛毒和合。猶如雜毒食。彼常勝樂者。所謂不死處。無愛別離處。無冷無熱處。彼處常安隱智者之所說。何處不生死。彼處則無苦。諸因婦女樂。一切皆有苦。彼愛爲種子。復生地獄中。彼樂能生苦。云何說爲樂。乃是苦中苦。後時則如毒。

5 6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

若此衆生生衆生業風吹業網癡所覆隨生處愛樂
若善不善業常隨後共行處處皆逐去如香不離華
汝如是受樂此後時則失如晝日時滿日沒光隨沒
彼水行鳥天善業故已爲一切放逸行天如是說已
若天放逸行放逸者聞水行鳥如是偈說作如是言
此鳥善語已覺悟我如此鳥說我必當得此鳥實說
我放逸故行放逸行猶故如是不能捨離我于後時
必定破壞得大怖畏我等從今當善心意對治放逸
捨離放逸彼天如是于長久時專心善意捨離放逸
知欲過患心思惟已以心動故心力大故或于多時

久習欲故還復著樂彼天如是無量分別無量境界
上上受樂種種諸欲具足之處種種鳥聲勝妙園林
有蓮華池七寶山峯多有無量妙蓮華池以爲莊嚴
多有無量百千蜂衆出種種聲莊嚴妙池彼處有河
滿中飲食有百千樹隨念枝網蔭覆彼河枝間有華
華爲堂舍種種具足彼天自身有妙光明無諸憂惱
自善業故得如是報下中上天皆離妬嫉迭互相愛
一心一欲彼此不妨如是如是游行受樂尔時彼天
既受樂已迭共籌量而作是言如我先聞此夜摩處
一切諸天有主名爲牟脩樓陀游戲受樂我等今者

5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

相與共去彼處諸天離彼天主牟脩樓陀五百由旬
 遙聞歌聲以太遠故聞不了了。以聲普遍一切天處
 是故不了。若鳥音聲如是歌聲功德具足聞彼歌聲
 虽不了了極生愛樂不可厭足以心動故生決定意
 一切天衆卽向天主牟脩樓陀戲樂之處。彼林一切
 功德具足彼欲行天共諸天女種種莊嚴種種衣服
 一切功德皆悉具足普身所著無縷天衣以自莊嚴
 其手皆執種種樂器迭相愛念生歡喜心有桀空者
 桀蓮華者復有桀干優鉢羅者彼優鉢羅有第一香
 多有衆蜂復有桀于拘物頭者彼拘物頭形量白色

皆如月輪彼天皆共如是天女游戲歌舞在空而行
 五欲境鬼種種受樂不知厭足彼天善業自心所化
 自如是桀自業所化有下中上色亦如有下中上
 樂亦如有下中上如是愛樂智慧亦尔有下中上
 命亦如有下中上一切如是遍滿虛空向戲樂林
 無量種欲具足之處牟脩樓陀天王住處堂殿之所
 彼如是行在道未到戲樂之林于虛空中遙見如燄
 復見一處青寶之色復于異處見黃白色復于異處
 見如火色彼天如是空中見已則生第一希有之心
 迭相告言天當看此處空之中希有之事如著種種

5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

希有色衣在虛空中。我未曾見彼諸天衆迭互說已生希有心。少時停住未經久時復聞有聲第一微妙美音歌聲。聞音聲已復生喜心。希有之心始從在地乃至遍空。一切天衆共諸天女心皆樂見悉欲往看此天如是空中見者。一切皆是山樹具足地處諸天彼天亦尔。遙見此天山樹具足地處諸天亦向大王須夜摩天須夜摩天坐七寶座在七寶窟以大青寶瓔珞莊嚴復以勝妙蓮華之色勝大妙寶而自莊嚴又復更有第一光明妙寶勝幡光明普遍一千由旬有白光焰滿虛空中。如著種種勝妙衣服在虛空中。

旛亦如是。此廣博行地處諸天如是見已生希有心。少時停住須臾則知山樹具足地處諸天亦向天主牟脩樓陀所住之處戲樂林所起如是心。彼如是去亦如我。去廣博行處勝上諸天籌量說言我今共彼山樹具足地處諸天一切和合相與俱去向彼天主牟脩樓陀所住之處如是時間暫住須臾尔時彼處山樹具足地處諸天見廣博行地處天衆生希有心作如是言我今共彼廣博行處一切諸天迭共和合相與同詣牟脩樓陀天王住處戲樂林中。尔時如是山樹具足地處諸天共廣博行地處諸天一切天衆

皆共和合遍在虛空無量幢旛皆葉寶殿在鳥背上
五樂音聲五欲功德皆悉具足向戲樂林須夜摩天
游戲大林多有無量諸欲功德皆悉具足不可譬諭
往向彼林受境界樂五欲功德不知厭足一切功德
富樂之具皆不厭足迭互相近不可厭足如是一切
皆受欲樂不知厭足然彼比丘見彼天已無量業果
皆悉諦知而說偈言

譬如天雨水是故河增長如是欲雨故天增長欲火
彌那生水中而常患枯渴如是樂增渴故天不知足
如虛空無邊亦復無盡滅欲知是無邊界欲不可盡

海水波旋滿髮弗有足義希望于欲者畢竟不知足
天未得境界愚癡不知足心常希望樂得已不知足
既得衰惱已無量到退失由境界熱惱是故應捨欲
既被貪欲誑能壞信欲者得衰惱則離而天不覺知
境界非可足不知足無樂如是不知足智者能捨離
宗靜爲樂根苦由境界起故應修宗靜遠離境界地
常捨離煩惱修行無上智從智得解脫由煩惱繫縛
病殺繫縛等境界所怖畏流轉生死中皆由于境界
若合若別離或百或千到生生處常尔惟善逝諦知
生死無量樂生死無量苦一切由境界生生處皆有

5 6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

如是之境鬼破壞癡心者。愚癡無眼故復喜樂境鬼捨怨而不近聞名亦生慮境鬼如怨家癡故不會捨若爲境鬼燒則是愚癡者爲自業所誑癡故不能離如有畏火者猶故近于火如是境鬼迷亦樂近境鬼猶如食毒者不爲自受樂近憂癡亦尔永無安隱事如渴者于鹽舐之不除渴境鬼故閻賜于憂不知足天境鬼不足欲心之所誑爲業風所吹到于惡道處彼比丘如是諦知無量道處衆生業生次第皆知憐愍彼天已說此偈又復彼天迭相和合一切同行心生歡喜同戲樂林牟脩樓陀天王住處尔時彼天如

是而行無量服飾無量樂行無量業化無量園林池等受樂無量百千天女圍遶如是而行復有餘天百千堂殿在下而坐行虛空中光明周遍普照虛空歌舞遊戲五樂音聲曼莊嚴身以香辭身頸著瓔珞頭冠天幘風吹衣裳如雲而行天女抱之心甚喜樂復有餘天天女詠歌及箜篌聲既聞此聲心生憂樂如是等類若干種天種種受樂同戲樂林空中而住希望受樂彼地處天一切皆向牟脩樓陀天王住處總說彼天如業相似若戲若行若莊嚴具音聲普遍十方充滿皆來近在王住堂殿普彼一切夜摩天眾牟

5 6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

脩樓陀夜摩天王于中最勝。如業之身。以業勝故。其果亦勝。如是因果。非不相似。如種子芽。一切天衆皆近天王。牟脩樓陀所居堂殿。彼天皆劣。惟有天王牟脩樓陀于中獨勝。一切諸天天之欲中。天王欲勝。皆悉具足。無譬諭樂。且說少分。有七寶鳥。在樹林上。周巾遍有葉銜樹心。身無所依。在虛空中。又復異處。饒希有鈴。其聲美妙。若天聞者。皆來向之。如是分別。心快樂。故在彼林行。又復更有七寶衆鳥。間錯雜翅。在彼林外。周巾圍遶。背中銜鬢。遶林飛行。又復多有希有孔雀。背上皆有蓮華。水池于彼池中。饒種種鳥。又有

百千峰。在彼池水蓮華之中。蜂有音聲。池名清水。彼蓮華葉種種不同。或有華葉是毗琉璃。或有華葉是七寶者。有餘蓮華五由旬香。如是彼鳥。孔雀背上。端嚴殊妙。歌樂嬉戲。池鳥相應。彼孔雀背亦甚希有。又復多有大希有鳥。孔雀銜鬢。謂其背上。有大蓮華。天子坐彼蓮華臺上。有百天女。而爲圍遶。種種嬉戲。美妙歌音。而受快樂。又復多有大希有鳥。孔雀銜鬢。彼受樂天自業所化。一一孔雀頭上。皆有隨念樹。生有種種華。其華甚饒。樹上多有七寶翅鳥。其諸天子。既上彼樹。與天女衆共飲天酒歌舞嬉戲。而受快樂。又

復多有大希有鳥孔雀銜鬢一一孔雀叢毛之中多諸天眾共天女眾坐受快樂迭相愛樂嬉戲歌舞受天之樂天見如是孔雀銜鬢希有事故生希有心又復更見第二希有所謂蓮華妙池銜鬢彼蓮華池其數二萬離于泥濁有金銀沙几功德水盈滿彼池鵝鴨鴛鴦池中甚饒天善業故鵝說偈言

久時受此樂此樂非常法一切皆無常而天不覺知此樂且相續必當有斲時爲欲心所誑不覺知失壞此樂雜苦樂隱覆故不覺如蓮華鬢中毒蛇不可見猶如雜毒飯食者被殺害此樂一切余必當墮地獄如索筋爲縉眼見甚可憐境界縉如是見好實甚惡如金波迦果初甜美味多後時則能殺世間樂亦余如飛蟲見燈其心甚愛樂入中則被燒此樂亦如是愚凡夫不知戲樂猶如燈希樂如觸火畢竟不得樂如鹿患渴故隨逐陽炎走畢竟不除渴此樂亦如是過現不知足未來亦復然一切天境界如是故應捨宗樂爲相樂是智者所說于樂相無心彼則常受苦梵寶第一勝忍爲最宗靜一智明是也一慈生勝樂不惱他最吉正見第一善直心最爲良捨惡業亦余若近于老宿恒常敬重法供養于師長信業則爲善

常供養三寶正心意無垢復供養父母是涅槃城道
佛說一切法出家最第一梵行行中勝能得一切示
佛說諸施中法施最爲勝勤中禪第一則能到涅槃
于施戒智中惟智以爲最智能到涅槃施戒惟得樂
眼見非爲最智見則爲勝佛說凡分道諸道中宗靜
諦中四諦勝是如來所說于五種力中智慧力爲最
說上下凡更無有勝者惟如來爲最能示真法故
說一切衆生聖衆最宗靜以三寶福田依止能生樂
等供養父母第三次和上能以法境凡開眼令覩見
非可見可取如來如是說此皆是樂地依境界非樂

若能行此法則行無垢道行此道安隱夜摩地非樂
彼鳥如是以善業故本人中時因法活命賣法得物
以自存濟如是業因彼處爲鳥本善業故雖生鳥中
億法不忘如是說偈是故應當精勤讀誦常受持法
以業因緣雖作畜生本來習故善能說法得果不空
又彼一切諸夜摩天向彼二萬蓮華之池種種異異
別別莊嚴勝妙天女而爲圍遶于彼池中先有種種
異異莊嚴諸天之衆諸天女衆百千百千那由他數
那由他數億億數等種種受樂共諸天女五樂音聲
或有入在蓮華中者或有坐于蓮華臺者或有在于

5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

蓮華葉者或有在于蓮華鬚者隨心念麤細等身
如眼貯頃百千由旬已能來去如眼所見無遠無近
皆一念時彼天來去亦復如是如一指面衆眼共看
不妨不患如是彼天或有一百或有一千皆共聚在一
蓮華鬚同坐不妨不隘不迮以善業故自業力故
彼蓮華池如是勢力如是功德彼天如是于蓮華中
或百或千如是嬉戲如心美味天酒恣飲彼蓮華中
舊住諸天共後來天和合嬉戲自有光明勝百千日
皆受欲樂于如是處久時受樂爾乃前詣牟脩樓陀
天王林所欲入彼林彼林多有無量種色甚可愛樂

牟脩樓陀如心意念化作彼林如自心中如是如是
種種所念如是如是化作種種異異樹林本未曾有
夜摩天王善業力故尔時天衆見如是林本未曾有
本未曾見生希有心生是心已欲入彼林漸次近之
彼天種種莊嚴其身塗天旃檀著天所應如天相似
種種衣服過蓮華池到彼樹林見已羞慚業如是故
有如是林種種勝妙彼諸天衆見餘林來既見彼林
普遍審觀既審觀已迭相向說迭相指示然後入中
既過彼池入林中已見鸚鵡行皆悉執持種種寶鬘
一一鸚鵡寶珠繫咽如是寶珠相續爲鬘達彼林已

而說偈言

此眾生輪轉自業所牽推老死梁繩中眾生不狀離從道至行道天人阿脩羅不知真諦故爲自心所使世間所作輪手推非疾轉業手眾生輪轉之甚爲速十二幅和合聚在癡轂中因緣輪回轉世間不覺知彼天如是聞鸚鵡鳥所說偈已一心善念觀營本業大慤重心念本業行作如是言彼鸚鵡鳥則爲勝我我則不如彼鸚鵡鳥思惟于業我爲愛壞嬉戲受樂時彼諸天如是說已爲欲往見夜摩天王牟脩樓陀過鸚鵡行復向名爲險岸鬚林于彼林中復有一林

名曼陀羅百千色華以爲莊嚴彼林多有種種鳥衆林之光明勝百千日離日熱過彼林之樹有勝光明見彼樹林則生耳樂聞鳥音聲則生耳樂艱藕栴香則生鼻樂嘗食果味則生舌樂無縷天衣觸生身樂諸栴樂故意生喜樂五栴縛心令意隨順思念諸法以二種意隨順而知如是見于曼陀羅林曼陀羅樹一一皆饒諸天女衆如是天女種種衣服莊嚴微妙口中言說種種歌舞種種受樂彼諸天衆本未曾見如是彼處一切地中地行諸天見彼天女在樹林中不可譬論無量百千億衆甚多天衆天女普遍林中

6 6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

無有一天無一天女心不希望欲見天主牟脩樓陀
一切希望皆欲往見實心喜樂欲見天王以是天王
福德力故爾時彼天如上所說和合而來行彼林中
彼林多有流水河池蓮華雜林皆悉具足地分處處
一切莊嚴其地柔軟皆作金色雜寶間錯如是見已
則受欲樂如是次第漸進前向夜摩天王牟脩樓陀
一切同心希望欲見心皆相愛如上所說種種異察
過彼地處復入異地于彼地中有可愛山如是地中
諸可愛山其數五百是遊戲處彼一切山是毗璠瑠
其樹皆是赤蓮華寶金葉莊嚴復有寶樹銀葉莊嚴

彼處多有珊瑚諸鳥又復更有異法莊嚴無量雜寶
鹿鳥莊嚴種種河池流水莊嚴交枝爲舍普遍莊嚴
交枝之舍處處遍有其果金色金寶樹枝其果皆作
毗璠瑠色金寶之葉有百千峰峰有音聲美妙悅耳
種種味觸飲食滿河多有寶鳥莊嚴彼河彼中地處
觸則生樂復有天衆見諸寶山山名遊戲有見平地
有見山峯有見窟門復有天見樹枝堂舍有見一切
在蓮華池天衆天女皆悉歡喜有共天女而歌舞者
或有諸天共天女衆入蓮華林遊戲樂者有歡喜心
而飲酒者有以天華散平地者有結華鬘莊嚴身者

有以寶冠共諸天女迭互莊嚴自有一光明身無垢穢
復有異天共諸天女行虛空者復有異天手執樂器
口中詠歌住在平地或百或千彼天之身如是如是
種種莊嚴種種光明青黃赤紫雜色光明從身而出
尔時彼天既于如是游戲山中受快樂已欲見天王
牟脩樓陀更前內入彼天復見夜摩天王名集鬱地
卽入其中山樹具足廣博行地彼一切天第一莊嚴
并集鬱地三地諸天皆于天王牟脩樓陀生敬重心
是彼天王善業力故是彼天王過去修集無量善業
之所感致集鬱地中有一萬殿無量種色種種金柱
而爲莊嚴彼殿可處金寶爲壁毗琉璃寶青寶鈞欄
因陀羅寶以爲窟牖又復多有種種寶柱雜雜間錯
復有異殿毗琉璃壁金寶爲門毗琉璃扉種種間錯
復有樓殿甚可處樂謂赤蓮華雜金爲柱金寶爲門
珊瑚爲窟種種雜寶間雜其地又復彼處種種間雜
青寶爲壁赤金爲門白銀爲柱昔彼殿內光明炎冕
又復彼處牟脩樓陀天王之殿種種業化第一赤色
金寶之殿金剛間錯赤蓮花寶以爲殿柱七寶爲窟
第一光明迭相照耀重樓行殿如是如是種種莊嚴
彼天見已回眼遍看復觀寶山彼此迭共相與同心

5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

經
正法念處經卷四十二

本

題
三

並看山殿前向大王須夜摩天然後乃入牟脩樓陀
天王殿內既如是入勝勝異見種種可愛第一希有
無量功德一切具足彼諸天等見集憂已希望欲見
夜摩天王牟脩樓陀一切天衆皆悉同行復入一處
王所行處見大天王七千天子而爲圍遶悉皆第一
勝妙莊嚴身有光明一一天子威德如山天衣流動
頭著寶冠肘後臂上妙寶莊嚴勝妙花鬘以嚴其曾
有如是等七千天子圍遶天王牟脩樓陀亦如衆山
周而圍遶須彌山王亦如諸河圍遶大海如星耀等
圍遶于月如是彼天一切圍遶夜摩天王牟脩樓陀

如是而住夜摩天王端正殊妙光明威德勝出一切
諸餘天衆天王之殿有百千柱彼一一柱皆是七寶
以莊嚴殿天因陀羅大青寶座彼天王殿如是勢力
如是如是天人彼殿如是如是轉更寬博如是如是
七寶莊嚴殿內有樹名殿嚴樹彼如是樹恒常有華
于六時中具足不闕又一切時常有天果彼殿何名
謂名樂見七寶爲壁種種間雜

正法念處經卷第四十二

校讎

第十一葉
葉字未改義詳宋藏鵠磨
葉書正作希

5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

經

今

正法念處經卷四十三

三

是二

音釋

慢

甜

辭

榮

苦

觜

觜

觜

觜

達

新野信官馬之駿助刻于寒山化城菴

正法念處經卷第四十三

元魏婆羅門瞿曇般若流支譯

觀天品第六之二十二

夜摩天之凡

爾時彼天漸更前近牟脩樓陀夜摩天王若歌若舞種種嬉戲共受第一勝業果報彼一切天種種供養牟脩樓陀夜摩天王既供養已坐在一處一切坐已歡喜語說既語說已天王告言汝一切天樂行放逸相隨而來自今以後護命護法勤行精進以護法故常受快樂乃至涅槃捨身已後永無苦惱常受天樂爾時彼處一切天衆皆共和合夜摩天王爲說偈言

5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

世間種種眾種種業自在天種種道來。善業生此處
有中如是來。有中如是去。如彼來時業如來去亦尔。
諸有和合事諸有意不亂皆是善業作。精進勿放逸。
長久時受樂此後必定退。退爲第一苦。當有則無疑。
彼如是之義我召汝爲說。汝等一切聽如如來所說。
夜摩天王如是普爲彼一切天和合利益已。說此偈。
告天衆言汝等樂行境界所迷然不覺知天則滅劣。
而不增長此境界樂。一切無常當不宋靜得不饒益。
所謂何者一切皆聽如汝所見六正覺知者七寶塔。
廟種種七寶莊嚴成就所謂六者。一是尸棄正覺知。

者二毗婆尸正覺知者三毗舍婆正覺知者四迦那。
迦牟尼如來正覺知者五迦羅迦居村陀佛正覺知
者六迦葉佛正覺知者此六佛塔天中久作次第耳。
聞我今供養以何因緣一切如是我不曾見我少心。
故彼諸世尊利益安樂諸世間故往世曾來到此世
間。我以如是次第聞來得如是法。彼迦羅迦居村陀
佛爲夜摩天作大利益謂利益者一佛塔化是大希
有如來境界令住此間。若此世界不敬沙門婆羅門
者天朋則減此減劣相于此佛塔光焰之中我皆現
見若減若退惟我獨見汝等放逸放逸行多是故不

見以著境。眾受欲樂故。我以歌聲召汝等來爲利益。
故汝等放逸放逸而行。卽是死退。我恐汝等食善業。
盡墮于惡道。故召汝來。六佛世尊。利益無量諸衆生。
故已所說經。彼諸如來于此塔中皆悉書之。我已誦。
得天今善聽。我爲汝說。勿後退時而生悔心。尔時彼
天第一敬重專心思念。一切默住。二種敬重。一敬天
王。二敬重法。諦意正住其心不動。天王旣見天衆如。
是善調伏。故普告之言。汝等始入初如來塔戶。棄如
來壁上書經。饒益天衆。利益天衆。安樂天衆。彼最勝
天。共其天王。卒脩樓陀。最初入塔。見佛毗瑠璃

像在青寶狀跏趺而坐。于其壁中自書經言。諸比丘
若天若人。有几種法障礙善法。何等爲几。諸比丘所
謂一者。若天若人爲放逸壞不能作善。若世間善出
世間善。世間法者。若心懈怠。若心放逸。行放逸行。彼
世間法。一切皆壞。若放逸者。于善友所不能看視。則
爲中人。若是怨家。怨則增長。求覓其便。此是放逸妨
世間法。諸有懈怠放逸行者。不能成就。如是之業。彼
人業盡知友亦盡怨家熾盛。增長大力。室家皆失。貧
窮無物。爲他輕賤。第一凡鄙。所謂貧窮。諸有貧窮。凡
鄙丈夫。善友知識。親舊兄弟。貪瞋衰見。一切增長。彼

愚癡者最爲凡鄙何以故不善行故天所棄捨一切
侵凌爲他侵已或時致死或時商賈亡失財物以其
放逸放逸行故若諸比丘若比丘尼若優婆塞若優
婆夷如是放逸常勤修行無記禪定不得盡漏惟貪
食味占相食時妨亂其心如是放逸放逸行者常一
切時心不清淨貪著食味猶如畜生食吐之者其心
如狗亦如受持鳥狗戒者如是之徒常放逸行不讀
誦經于眷屬中于多聞中是少智者是爲凡鄙爲諸
檀越之所輕賤離無所畏第一無畏所謂多聞能思
惟法第一凡鄙所謂少聞彼少聞者爲他輕賤不知

自過而于他所多貪瞋癡于多聞者真實知者若干
尊長若干檀主有善根者以愚癡故放逸多故生瞋
心瘡不善業故身壞命終墮于惡道生地獄中放逸
行者如是人中行放逸故于世間義出世間義以爲
妨礙諸比丘云何天中放逸破壞此天自性行于放
逸放逸行天其心愛樂觸味色香而行放逸不見老
至不見破壞不見退沒心不思惟善業盡滅不習作
法不敬重佛及法衆僧彼離善心行于放逸佛出世
時不見不知心不生信怖畏近至衰禍近至死苦近
至離別之苦近至不遠天女棄捨大怖近至如在牘

岸而墮墜者于先境界所受樂事不具足見于異世
中不隨順行于臨死時不與其樂亦不安慰如是境
界皆悉破壞無有氣勢于諸有中異處去時不共相
隨若作放逸放逸行業彼于有中則隨逐行彼境界
渴心未厭足放逸而死一切天捨心生驚怖迷于境
界如是而死彼時相應或生地獄餓鬼畜生三惡之
處是故天人一切不應行于放逸尸棄如來當尔之
時而說偈言

若天一切時成就境界樂彼天既破壞諸業隨逐行
樂不可常保業聚集不失樂所証癡天由業不自在
境界現生樂後能作衰惱染著境界天心常亂不定
不知善福業是生死病藥如燈藥亦爾爲歸亦爲救
有中之善業隨逐于衆生是故黠慧者常憚勤精進
修福德爲吉捨境界爲善若有智眼者知畏未來世
黠慧豫生怖愚則至時畏智者如是知心常慮破壞
若意常愚癡則喜樂境界爲境界所迷後則心生悔
諸有身和合智常不濁者皆作福德業無福德則苦
牟脩樓陀夜摩天王如是示彼一切天衆尸棄如來
所說偈頌壁上書字最初法已次第復示其餘七法
作如是言我復爲汝說餘七法次謂傲慢無時惺悟

9 8 7 6 5 4 3 2 1 0 1 2 3 4 5 6 7 8 9 20 1 2 3 4 5 6 7 8 9 30 1 2 3 4

傲慢行者常不惺悟于天人中恒爲妨礙常妨一切世間之法出世間法云何名爲妨世間義出世間義身傲慢者亂其心意一切法義意爲前導是故轉行彼亂心意行不善處非所憑處非時而行行邊險處近惡知識不自測度亦不知他不知自力不知他力以傲慢故不能作業于自家事不知籌量如狂不異不行正行一切衆中最爲凡鄙又于諸親兄弟等中最爲下劣彼不憑作而便作之所憑作者則不能作彼所憑作所不憑作一切不知亦復不知作與不作于法非法亦不能知又亦不知憑說不說憑行不行

亦復不知是處非處如是一切悉皆不知以傲慢故而不能知持戒之法又傲慢故不知時節不知方處不知住心及不住心以傲慢故不知樂時不知輕重又不知真不知非真戴面而行無所畏忌又此傲慢于出世間法義妨者云何爲妨出世間義爲此傲慢所妨亂者不知業因不知果報不知善道及不善道不知威儀不知方處不知時節不知裁量足與不足不知大眾雖得聞法不能修行于未聞法心不欲聞無心訪問凶頑不畏語不依理心意動亂如風動塵分散處處彼心如是常亂不定彼心意亂傲慢行者

6 6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

不修禪定不能攝心見色則著樂于境界或時著欲
眼常動轉如是慢者不正眼故行于傲慢或因著欲
或是醉亂或時禍祟或時狂病一切時亦更不餘異
彼如是故爲諸世間之所詳指如是是指故則爲一切
之所輕賤不知自過彼非饒益又非利益亦非安樂
彼則于義皆不成就云何傲慢于出世間法律爲妨
云何復于傲慢者中以爲妨礙謂彼人中有出家人
傲慢之行最爲鄙劣此法毗尼能離傲慢一切端嚴
不離傲慢人不端嚴彼傲慢合不能修禪不知住止
常行城邑聚落等中不行好處不能說法調伏檀越

惟貪飲食牀臥軟具惟不善觀如是之人身壞命終
墮于惡道生在地獄餓鬼畜生如是之人非世間道
出世間道二處安隱傲慢有七一者色慢二者財慢
三者生慢四者服飾莊嚴等慢五者爲王供養故慢
六者婦女親近故慢七者他妻亂心故慢此總爲慢
減句殘句或復滿句此一切法彼慢爲妨如是人中
少有富樂微少命行微行傲慢何況天中此則是慢
彼天愛聲觸味香色念念之中增長傲慢傲慢行故
命則稍減不覺命行不知命盡不知行盡不知善業
若不善業彼一切時常恒如是乃至命盡傲慢不止

次第乃至善。愛業盡。業盡則退。臨至退時。余乃覺知起如是心。境界詭我。令我生染。如是慢詭身壞命終。墮于惡道。生在地獄。餓鬼畜生。如是傲慢妨世間道。又復天眾以傲慢故妨出世道。彼一切天愛善業。故以正法故。于此天處夜摩中生。以天慢行不知自業。不近其餘少慢行者。不近一切不慢行天。不樂見佛。及法衆僧。于正法中不信不入。以于正法不隨順。故行于惡道。不能觀答十二因緣。不敬尊長亦不親近。有智慧天爲欲所詭。貪著境界。于此天處臨欲退時。乃生悔心。是故天人應捨放逸。應離傲慢。若不捨離。

則如熾火燒胡麻等。尸棄如來當余之時。而說偈言。放逸前破壞爲慢所迷惑。若天若丈夫不得宗靜樂。若樂放逸行。是則名爲死諸放逸樂過退墮地獄中。不正道行過。是則名放逸放逸詭心天。則入于地獄。喜樂于不實于實不喜樂。放逸垢闇故。天爲欲所詭。欲所迷癡天放逸慢亦余不能真實見。如生盲于道。尸棄世尊如是已說放逸慢心妨礙世間出世間法。又復第三示破戒過。如是之事。彼佛世尊悉知無餘。如實諦知破戒過。患塔中壁上次第書之。余時天王牟脩樓陀示彼天眾。塔中壁上不持戒過書畫文字。

不持戒者是諸天人第三過患非是利益非世間道
非出世道世出世道一切皆非何者人中不持戒故
妨世間道所謂受戒愚癡之人既受戒已應作不作
一切不知亦復不知是處非處作過患已覆藏在心
兄弟因緣如是破戒專爲兄弟諸親舊等不顧念戒
或不取戒受已則犯不生忌難以如是故爲諸親舊
兄弟眷屬一切人等皆悉輕賤作如是言此不持戒
不勤精進身口意戒一切不持如是諸親至兄弟等
嫌賤輕薄以輕賤故時節吉凶皆不看視不與往還
吉凶等會不請不喚不信不敬以如是人不受戒故

不持戒故不攝戒故本善友者則爲中人若先怨者
則求其便若非怨親則不攝之以爲朋侶如是之人
如樹根斷風吹倒地如是倒已一切物失諸親等離
彼人自心本性輕動以輕動故內則懷惡于一切人
多貪多瞋心衆疑慮分別希望欲爲惱亂其心常瞋
一切衆生面色不好無有威德心亂不定恒常貧窮
如是之人不受戒故不持戒故身壞命終墮于惡道
生地獄中是故常懲念作利益受戒持戒不妨世法
是持戒人以戒因緣心意堅固常正億念信于善友
若王大臣信彼人故以大賚價金寶銀寶種種寶物

一切委之若隱密語信而向說若王王等寄物不侵
密語不露以護戒故爲人所信又復諸親兄弟眷屬
一切時人信愛供養皆悉敬重過于尊長持七種戒
王亦供養知識親等皆悉供養如是之人一切人信
一切人愛財物具足常不貧乏皆不能與作不饒益
第一大富以大富故能行布施能作福德正意善住
不壞智慧以是因緣身壞命終生于善道天世界中
彼人如是微少破戒則爲輕劣何況修行出世間道
如是之人意動不住于業果報盲無智眼或不持戒
或破多戒惟一戒在或全無戒他謂比丘彼人惟有

比丘形服惟如貝聲心常詣曲誑諸檀越作如是言
我持佛戒如是之人實不持戒聖所愛戒實不成就
彼是誑賊誑諸世間諸天及魔一切沙門若婆羅門
諸天人等自他俱誑不如說行如是之人內空無物
不實不堅如水沫聚誑一切人第一詣曲彼人多求
牀臥敷具病藥所須處處多取彼人常沒生死泥中
或生地獄若地獄等諸惡趣中彼人破戒取不應取
以破戒故不善分攝如是之人乃至不懲于僧地中
行至一步以不相應非所懲故何因緣尔以諸檀越
修治彼地爲持戒者諸比丘等不爲無戒破戒比丘

不爲一切無善心者。如是之人于彼地中行至一步亦所不應何況敷具病藥所須及餘一切諸受用物戶棄如來當尔之時而說偈言

若比丘無戒是賊中之賊內滿爛曬等外被服袈裟一切虛不堅猶如水沫聚如是空無戒妄說是比丘破戒屬地獄僧寶所不攝爲心所誑故身壞墮地獄遠離法毗尼自業故墮墮垢闇之所覆常受大苦惱不著善法衣裸露善人棄以離善業故惡將至地獄聚集不善業苦門則開張生死縛堅牢破戒故如是爲破戒火燒彼則爲極燒如是缺戒者必定入惡道

意受持戒故師則能與戒無心詣受戒必定入地獄彼人于日夜常增長不善若能持戒寶則能壞破戒若人空無法惟有闇和集彼無一念時而暫不破壞爲破戒所縉垢故善人捨破戒縉常牽捨戒不善者無戒若破戒親附惡知識若習近欲者此地獄因緣無戒愚癡人或復慢動人惡業相憑人去地獄不遠業有相似果此云何不知癡故自爲患而著游戲樂日日常增長惡河不可度若波滿其中如是漂眾生彼人非生善彼人非善心若捨離法者則攝不善法若身攝善法是第一善道行彼句之人則到不退處

受持戒讀經愛樂善法者。正行常調伏彼則離苦惱。此不持戒垢則能令穢汙。彼以壞學故爲地獄所攝。如是一切知應勤心取戒。一切生死海無戒是因緣。如是所說一切人等出世間道無戒故妨云何天中無戒爲妨。此世間中業果之地若于此中持七種戒。攝取和集天中受樂久行放逸乃至樂盡然後退墮。如燈油盡燈炷盡故光明亦盡云何妨礙出世間道。謂不持戒彼持戒人生于天中生彼處已如是心念我于人中持七種戒生于此處與天平等此始生天以著境界愛欲樂故一切皆忘若其餘天不忘持戒

則示此天持戒業果爲其說言汝本人中持戒具足生在此處彼始生天以心動故著境界樂不聞語聲不入不取不信持戒故不能取善業果報。境界勢力動其意故彼不持戒不隨法行。彼如是天破壞善法是故退墮如是持戒生于天中或生世間或出世間彼世間者以持戒故此是一種出世間者。則是菩提此第三法不持戒妨何者第四天人妨礙所謂懈怠樂懈怠人若染著人如是之人一切普遍于一切種一切世間所有諸法皆不成就彼懈怠人七種法劣何等爲七若人懈怠無增上果則是二劣以是劣故

供養則劣。財富亦劣。境界智劣。如是劣故。一切世間正士不近。世間人情問訊則劣。彼人如是一切世間諸事皆劣。是故頑鈍。一切所作皆悉失壞。如是人中世間法義懈怠爲妨。云何人中而能妨礙出世間法以懈怠故。此懈怠人。一切家事作業皆畏是。故出家作如是言。我出家已多有軟具。病藥所須。飲食豐樂。我于晝夜無所爲作。彼懈怠故如是出家既出家已不讀誦經。不能止惡。不行善法。不修禪定。不持禁戒。常爲懈怠之所覆蔽。彼人多利多得供養。食用豐足。不樂持戒。不樂智慧。少智過故。身壞命終墮于惡道。

生地獄中。尸棄如來當余之時。而說偈言。
懈怠少福德。癡能破壞心。一切親等薄。善道不可得。
懈怠及惡業。或爲癡所覆。妨礙涅槃道。得不善惡果。
無羞無慚愧。慢動惡知識。皆是苦惱因。智者則捨離。
衰及慢大慢。如是我慢等。常捨此。一切受苦惱因緣。
若爲懈怠覆。不億念發動。出氣與死等。空得命無果。
懈怠所患者。有命亦同死。如是懈怠人。心念死爲勝。
若溺懈怠泥。沒苦海不出。若人勤精進。則度生死海。
少力懈怠人。如處飲食羊。命未盡如死。若死入地獄。
貧窮癡如羊。或爲苦所攝。若人食他食。懈怠是因緣。

若有懈怠者。多依他活命。多貪著美味。心或常樂欲。彼則不知諦。惟貪著食味。死時既到。已悔火自燒心。諸有忍寒熱。乃至飢渴等。如是身受苦。後時得安靜。莫起懈怠意。懈怠則怯弱。不能忍生死。不得脫苦惱。懈怠空在世善人中。凡鄙未來世亦空不會得安靜。懈怠之人。除此過已。復有異過。所謂遠離出世間道。懈怠之人。是不善人。是退沒人。云何諸天失于世間。及出世間法律毗尼云何。諸天妨世間道。謂此懈怠。復有餘業。若緣善故。得生天中。彼天復爲懈怠所壞。一切愛聲觸味香色。心復不樂。不樂園林。天可愛處。

不飛不走。不聽歌聲。自亦不作。不飛虛空。不從山峯至異山峯。不在河中。不涉波。憂樂鳥游戲。如是樂者。夜摩天王有如是樂。彼懈怠天亦不往詣。夜摩天王所有一切諸境。眾樂皆悉不受。昔彼一切如毒如怨。一切是垢。此是懈怠。妨礙世間。云何懈怠而復妨礙。出世間道。若復餘天常聞正法。愛樂正法。彼不能近。遠離正法。于未聞法無心欲聞。設聞不持。又亦不習。不近尊長。不學智學。離一切法。離一切善。常樂生死。常受苦惱。何以故。彼離道故。則于有中而不得脫。彼爲懈怠之所壞故。生于地獄餓鬼畜生。彼則常爲生。

老死等之所籠繫受諸苦惱。世間流轉。彼懈怠者。如是懈怠。則是一切不饒益事。亦是一切惡道之本。生死種子。是故世間一切苦惱由之而生。是故世間若有欲斷生死縛者。則應精勤捨離懈怠。諸有一切不饒益事。皆此爲本。此如是等一切懈怠。則于苦海不可得度。此之懈怠有無量過。又復除此四種過已。有第五過。諸天人等妨礙世間出世間道。所謂惡貪。一切世間出世間法。普爲妨礙。云何天人于世間道出世間道。惡貪障礙。所謂俗人。以貪心故行于非法。常樂財物。愛物之心。如河水旋。亦如獮猴。心愛物故。欲

取物故。設諸方便。如是如是。惡貪增長。如是思惟。我今當設何等方便。何等欺詐。誑惑他人。心常如是。欺詐誑惑。復爲他人。如是教示。欺詐誑惑。如是之人多作非法。以如是法。復教他人。如是之人。貪心則多。如是思惟。他所有物。皆悉屬我。彼人如是心思惟已。復教他人。教他人已。卽共相隨。欺詐誑惑。設諸方便。誑惑他人。取其財物。如是誑已。心生歡喜。作如是念。我善能作。我能欺詐誑惑他人。得其財物。本是他有。今則屬我。起如是心。是故歡喜。得其滋味。如是次第。樂行多作。令他苦惱。惡貪覆意。破壞城郭村邑。聚落多

人住處或燒城郭村邑聚落多人住處爲一切人之所棄捨。一切善人之所嫌賤是諸國土之大棘刺城之棘刺聚落棘刺破壞國土破城破村破壞屋舍壞他種族常一切時樂如是惡令他衰惱如是惡人身壞命終墮于惡道生在地獄是世間中惡貪之人是惡貪人妨礙世間惡貪既集又復增長如火得薪如是如是惡貪增長如是如是惡貪方便如是如是得他財物如是如是轉復增長是故修行福德之人勤捨惡貪何以故第一垢者所謂貪心取他財物彼垢壞者入于地獄尸棄如來當尔之時而說偈言

若人行欺詐方便取他物則是大貪心常行不善行彼人于晝夜心常不清淨爲貪覆其心常希望他物彼人如劫火自體本性惡一切所怖畏猶如惡毒蛇若人爲惡貪常覆其心者恒入于地獄及在餓鬼等大地獄火中熱處旣脫已若生得爲人五百世貧窮毀面而皺口常受于苦惱爲貪壞心者皆如是受苦若人捨離貪常希求智慧行有神通力則行于善道除却心中貪猶如閉蛇窟若爲貪蛇齧必定受苦惱若懷貪心者念念轉增長如火得乾薪熾然而增長愛樂財物人恒常希求物死時旣到已有物皆捨離

若作惡業已終竟不捨失彼人爲貪縛將入地獄去財物則屬他自得惡業汙非財見爲財非樂謂爲樂惡貪住心中見怨如善友貪火能燒人智者不集貪爲貪所燒人後時入地獄世間財如山一切皆無常云何爲財物如是作惡業惟有愚癡者能作如是惡如是惡貪皆勿自作莫令他作如是惡貪妨礙世間集惡貪者日日增長如火得薪如是如是熾然增長如是惡貪得財物故如是增長共貪慳嫉增長熾盛是故諸有福德之人應當捨離汝等天眾當如是知有治生人賤買飯食若餘物等若作齋會布施沙門

若槃羅門爲令他知謂是福人真實可信知人信已然後自物賣與他此雖布施非清淨心爲令他信治生求利賤買賣賣如是方便以少物施得物更多或得十倍或得八倍如是惡貪善人則捨又捨惡貪言惡貪者所謂法師說法取物得如是物非二寶用此是惡貪則應捨離又捨惡貪言惡貪者諸出家人或白象牙所作佛像或刺繡像或氈等上畫作佛像或刻木像或銅等像賣如是像彼是惡貪既得物已非法中用人中則有如是惡貪妨世間法出世間法智者呵毀智則捨離云何名爲天中惡貪汝等天中

6 9 8 9 10 1 2 3 4 5 6 7 8 9 10 20 30 1 2 3 4 5 6 7 8 9 30 1 2 3 4

如是大樂猶故惡貪。如是現見此金銀山毗瑠璃山
青寶之山大青寶山玻瓈山中汝等一一游戲受樂。
于一山中既受樂已復向餘山共諸天女種種受樂。
天衆圍遶如是一切由貪故尔非餘所作汝等天衆
愛共貪縛墮于惡道而不覺知不生怖畏不畏死云
不畏所愛眷屬等離不覺退時種種衰苦汝等天衆
以貪心故不畏不覺汝等天衆如是貪心無量無邊
魔業貪心不知足不畏死苦如是惡貪妨世間道云
何天中貪心妨礙出世間道此愛聲觸味色香等喜
樂愛樂貪心諸天不就其餘少貪天所

聽法聞法求法學法不欲聞法令心白淨一切善法
勝根本者所謂覺法一切法覺要由聞法若不聞法
于法不覺何故不覺以放逸故復以何法是放逸根
所謂貪心是故應當捨離貪心若捨貪心則到涅槃
貪所覆者流轉生死天衆當知出世間道天人之中
惡貪妨礙是故智者常應精勤捨離惡貪施有三種
一資生施二無畏施三爲法施彼資生施生報天果
不能布施此人勝天非天勝人如是人身第一難得
若得人身不行布施則爲虛生如商賈人得值寶洲
不知取寶而便空還若得人身不知捨財而布施者

6 6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

亦復如是。何者復是無畏布施。凡有幾種無畏布施。
 無畏布施凡有三種一者救命施其無畏二者妻子
 爲他拘執方便救攝施其無畏三者防護畏失物者
 施其無畏彼救命者生人天中報得長命護失物者
 生則大富所有財物王賊水火不斷不壞若爲國王
 或爲大臣以彼業故有大力勢有大名稱在所生處
 恒常大富救妻子者若生人中善攝妻子天上退時
 天女不捨如是三種無畏布施何者法施法施二種
 一世間法用以布施二者世法用以布施彼世間法
 用布施者謂以四禪世間中智和集布施于人天中。

受世間樂天人中生則生表見出世間法而布施者
 以不瞋故生天人中或生欲界或生色界若生欲界
 彼或在于一百九十九地上生隨願生彼若生色界
 則得解脫以果勝故大智慧故依處勝故則得解脫
 生淨居處若因願力爲轉輪王主四天下有金輪寶
 寶有十四所謂七寶七相似寶善願力故盡滅諸漏
 得緣覺道以願勝故則成如來應供正遍知明行足
 善逝世間解無上士調御丈夫天人師佛世尊以法
 布施因緣勝故此三種施汝等天眾一切皆無如是
 義故人則爲勝天爲報地人爲業地業因緣果如是

6 6 6 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

人中人因緣生業果則勝。如是人勝天爲不如。

正法念處經卷第四十三

校譌

獲不成字當作慢省作獲俗作悚沫水當作沫正作湏或作類通誤讀末非是蛇蛇俗名互出今並作蛇

新野信官馬之駿助刻于寒山化城菴

正法念處經卷第四十四

元魏婆羅門瞿曇般若流支譯

觀天品第六之二十三夜摩天之九

又復業分若人生天不曾布施惟持于戒得生天中。惟有一種功德具足五欲功德劣于餘天是業因緣人勝天劣毗婆尸佛當尔之時而說偈言

人中布施已則生于善道非天能布施以是果地故人中是業地果地則是天一切果因緣無因則無果念念念不住如是轉不回業果將欲盡應當作福德一切是心力能令命流轉是故有智者不爲命作惡

一切皆不畏未來諸苦惱。如是苦惱人癡羈所縛故。
布施持戒寶于誰心中有若天若是人則到于善道
有爲生住滅皆是無常故。一切有爲樂亦如是無常
雖壞而生貪念念動不住樂命皆如是。是故應捨離
如是此法一切有爲悉皆無常苦空無我。一切世間
無量衰惱處處普遍有五種縛。縛天縛人愚癡目盲
惡欲壞心惟生愛樂。一切愚癡毛道凡夫迭相愛縛
如鳥在籠一切人天于生死中流轉常行以是義故
若人若天或命或樂勿生常想。應于世間一切諸法
不生常想不作無量種種分別又復具足十二種施

如是布施天中所無惟人中有天惟食果若食果盡
爛失破壞退彼天處何等十二布施具足一者方處
具足二者時節具足三者功德具足四者可愛具足
謂所愛物五者福田具足六者施飢渴者七者信心
施與儿者不求而施功德具足九者有歡喜心施妻子
等十者揀擇心所敬重勝富伽羅而施與之十一
者施于世間不輕賤者十二者施不望報此如是等
十二種施復有持戒功德具足得生天中盡已則退
是故天應捨放逸行如是十二離垢布施爲轉輪王
財寶富足或生于天或天相似復有十二離垢布施

何等名爲十二種垢。一者于多人聚中和合衆中。或于僧中平等皆有戒智及行功德具足不平等施。此是垢施得少果報。二者若男若女以欲因緣或男施女或女施男。此是第二垢惡布施。又復第三垢布施者以怖畏故捨物施與王家門師謂是沙門婆羅門等有如是心。若我與王得衰惱者則能救我此非修思因緣故與名爲垢施。又復第四垢布施者所謂癡心捨物布施如彼外道婆羅門等齋會等施。此是第四垢惡布施。又復第五垢布施者謂見他人所布施者不知彼人持戒以不。不知彼人有智慧不。有宗靜

不爲有禪不。惟見他人如是布施他因緣故內自無思如是捨物而施與之。此是第五垢惡布施。又復第六垢布施者謂前乞者苦求乃與。此是第六垢惡布施。又復第七垢布施者知他有物爲令他信方便欲偷捨物與之後欲作惡種種侵損爲覓其便是故與物。此是第七垢惡布施。又復第八垢布施者爲破壞他和合之事捨物施之于他二人共爲一友令使別離後覓其便則與衰惱。此是第八垢惡布施。又復第九垢布施者謂爲成親捨物與他或男施女或女施男。此是第九垢惡布施。又復第十垢布施者所謂治

生多買食具種種諸物粟豆果菜一切雜物待齋會日賣賣邀利得物自用微少饒之此是第十垢惡布施又第十一垢布施者爲名稱故捨物布施此第十一垢惡布施又第十二垢布施者妻子飢貧以物與之內無善思此第十二垢惡布施此一切施離思無思以無思故空無果報若思增長則能離垢譬如垢衣灰汗洗浣則便清淨如是思熏布施成就毗舍佛建佛當尔之時而說偈言

十二功德具離十二種垢成就清淨施相違則垢濁或天或男子布施得大力離施墮惡趣布施生善道

貪心嫉妒垢惟親愛妻子此人墮餓鬼惟希望飲食若解貪心縛斫伐慢心樹除滅闇聚者此人布施故布施在前行施主隨其後布施能示道行到他世去施水澡浴人以持戒香塗智慧廣無垢得度苦彼岸丈夫有三燈爲利益故然所謂施戒智此等能除過愛極爲深廣疑波極動亂持戒修智故過如是苦海心不調而速一切處皆著布施持戒法則能縛此心此等三藥師能除煩惱病布施持戒智恒常與安樂心有放逸過分別曲而輕布施持戒智此三能縛心三種過熾火燒一切世間智水滅火已得宗滅涅槃

彼毗婆尸如來世尊如是書經在彼塔中此布施行
惟人能行天則不能以此因緣人勝天劣汝等既知
如是布施于諸境眾心莫放逸當善持心善持心已
故令煩惱大惡過患心中不生若其生者智火能燒
智火燒已則到第一不退之處不生不老不死不盡
如是之處應當捨離如怨放逸又復天衆更有餘事
意則劣減損辱羞恥所謂食時現見故羞以業勢力
有下中上果亦如是有下中上彼天不能乃至少物
以施他天叵以自業回轉與他所謂人中食時捨施
或時持戒如是得食天見他食勝色勝香勝味具足

如是見已心則羞恥若在園林蓮花池水游戲之時
一切受樂如業相似成就樂事見餘天而受快樂已
内心羞慚自身低減天中則有五種羞恥何等爲五
一謂食時有見他天白酥陀色自食則垢或時色赤
相近食食見則極羞此是初羞第二羞者謂見他天
端正好色形服莊嚴有多天女妙色殊絕供養餘天
見已則羞第三羞者謂見他天在蓮華中空中飛行
園林山峯蓮華池水金毗琉璃戲樂處行以業勝故
飛行則疾若少業天行則不速不能共彼同處游行
常在他後羞天女衆第四羞者謂天人在蓮華池者

以天本有如是業故則有如是蓮華池生色香觸量
劣天見已于眷屬中則生羞恥第五羞者如天之業
如是得報如業坐處若干本時作大善業則有妙好
毗瑠璃座或青寶座或時復有赤蓮華色勝座處生
若餘劣天在彼處坐以業少故如是妙座或變爲金
或變爲銀或爲玻瓈彼天既見坐處變已種種雜業
輕重等業既見知已則生羞恥既生羞故威德劣減
彼天如是面色減劣餘天威德面色增上自天女衆
如是見之則捨而去捨離如是少業天子依止其餘
大業天去游戲受樂天女同心一切皆共詣餘天子

彼少業天極生羞恥此是天中于眷屬所第五羞恥
如是不樂有爲之法彼有爲法能爲誑惑令生貪心
如揀樹葉其味甚苦和餘甜味天樂亦尔雜苦雜樂
何況復在與道衆生地獄餓鬼畜生中者或定業生
不定業生常苦不止有無量種大力苦生譬如海中
種種雜水與異河入種種水入衆生之心亦復如是
相續河流種種諸業依業得起成就大力諸苦惱生
汝等天衆此量如是說一切種異苦憑知總一切苦
有三種因和合相應諸苦滿足此三種苦有三對治
則能除之何等爲三謂智戒施毗婆尸佛當尔之時

而說偈言

若心不依止智戒施等三彼衆生常苦樂則不可得
如種種因緣何等業幾種衆生所作業如是成就果
一切皆因緣無不因緣者有爲不破壞因緣不可見
爲心所誑故布施面羞漸如是布施者則不得樂果
和合布施勝捨離慳嫉垢天常受樂故則無如是心
飢渴爲大火能燒諸餓鬼一切慳嫉果實智者所說
若常行布施彼必定得樂以施得樂果是故布施勝
世間作光明行常自隨逐布施則到天天供養如饌
施是不誑處如來如是說以其是實故常懸行布施

捨慳嫉惡已而善修于心若能行布施得渡生死海
施三寶福田二種皆清淨決定于三時三明見彼果
初常行布施次精勤護戒智則能割愛此爲大樂道
若不除斷愛世間不饒益彼則不能到不生死勝處
常離不施心恒樂行布施無施故飢渴餓鬼中燒身
布施得大富天乾闔婁中因施得爲王善法轉輪王
依止布施地智者能持戒持戒者知時因智得解脫
出苦之要道一切佛所讚勇健者知已則常行布施
不布施生天天中受樂少施故生人中從生受富樂
若生在畜生亦常受樂果一切布施樂是智者所說

若在餓鬼中彼亦有飲食以本少施故則得如是果若生地獄中飢渴不能燒一切以施故如是皆得果生泥道中者是衆生自業布施得安樂如是于父母如是住施地常行于布施恒樂施持戒得脫諸惡處牟脩樓陀夜摩天王如是已示放逸天衆天衆知已一切現見住戒果報攝取持戒又彼天衆復有羞慚所謂業故現前羞恥見食故羞園林蓮華處處游行多天女衆而爲圍遶種種樂音在于天中地上而行心樂境界五欲之樂第一勝樂不可譬論成就樂事如是轉行飲食地處次第往到種種莊嚴端正天女

如是天女之所圍遶彼天歌舞五樂音聲遊戲受樂彼天耳識不知狀足境界可愛是故受樂不可狀足又復彼天見種種色皆悉可愛端嚴殊妙如意念色見則生樂種種光明種種異色種種形相或在遠住或在近住或中間住彼天見已有如是念彼遠住色可前近來隨心念時彼可愛色卽來在近或中住色如意念來若念近者近者則來若念中者中者則來若念遠者遠者則來業果勝故如是隨意以彼業因有下中上天報如是有下中上如是彼天愛毒所齋不知獸足如火得薪無有足時愛心之者則于境界

不可厭足如是天中無量種樂皆不可足又復天眾
鼻識艱香有無量種謂園林中天妙華香又復彼華
樹枝中生枝垂至地有種種色種種形相種種分分。
雜雜異異一切時華同時開敷彼如是華天女取之
送與天子令得艱之或爲風吹香至天子天子艱之
艱已欲發則受欲樂又復天身如是天中莊嚴殊妙
與天相應頭上莊嚴寶瓔珞等隨天意念一切出生
種種衣服有種種香無縷天衣其量相應彼天如是
生愛心故不知厭足又復彼天若心意念以自業故
一切所須具足皆得則有第一可愛飲食天上地中
有酥陀食以本施時有下中上酥陀亦尔有下中上
又復具有種種天飲有下中上業如是故自業如印
猶如人中人身長短隨日所在影亦如是長短似身
如是如是彼天本于人中之時作如是業如是食生
彼食食時天女現前則生羞恥如是天中見勝天女
大生苦惱如是有中一切無常無有一樂不破壞者
現見一切有爲皆尔如是應知又復彼天本善業盡
退時生苦若放逸天樂天欲樂退時愛離膩潤盡時
欲向餘道則有相現以欲退故身心大苦若大苦生
彼苦如是不可譬諭毗婆尸佛當尔之時而說偈言

種種放逸樂爲境界所誑。食欲盡退時無與同伴者。本前放逸行不行布施等。于後死退時悔熱自燒心。初中後等時心常作利益心益常調者。死時不怯怖。有生必有死亦有愛別離。愚者不思惟爲境界所誑。死次第念念境界破壞天來至天不覺以欲著意故。若天能知此生愛別離苦乃至須臾間于欲心不住。欲無常可畏常作不利益如是愚癡者而猶近于欲。癡天常如是爲欲火所燒既被欲燒已習欲不休息。若思念真諦不喜樂境界若喜樂欲者是則常啼哭。此一切三界轉行猶如輪。一切業縛縛天不見其實。

于種種道中處處數生死衆生爲愛迷常受諸苦惱。欲如電火輪暫住不可得如夢軋闔繫衆生虛妄取。欲如如是等思欲復勝是無常苦空中勿生我所心。此之老死輪極惡叵調伏警無救衆生無罪不覺知。牟尼說五根空而無自體多有無常苦自體是病處。如是見知已則應捨離欲彼宗靜智慧則近涅槃住。彼欲退天者根心皆動亂尔時苦受生不可得譬論。如是受大苦如是愛憎心彼天欲退時如是受大苦。諸有死未來諸有離凡難皆應作利益此道能得樂。天中地處退入地中死亡。何人如是知不厭離生死。

6 6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

如是天中業盡退時業繩繫縛牽令使退將向餘處生大怖畏是故有天同如畜生若天心樂境界樂行非自利益是故天衆勿放逸行莫于後時心生悔熱夜摩天王牟脩樓陀如是爲彼山樹具足地處行天毗婆尸佛所作佛塔見彼塔已調伏天衆爲作利益示欲過患爲顛倒天四顛倒者說于正法死未來間則示其死與其怖畏彼死畏處無量苦處示平等道以宋靜心作他利益調伏天衆于六經中毗婆尸佛所作經文第二已竟又彼天主牟脩樓陀夜摩天王共彼天衆山樹具足地處來者有修心者不修心者

皆攝取之精勤修習利益他行除其放逸諦見業果令心柔軟心柔軟故生大信心信心生已示其欲過示欲過已說命無常說無常已說生死若彼天聞已心則柔軟心柔軟故天王告言汝等天衆一切皆看此大佛塔迦迦村陀如來之塔應正遍知明行足善逝世間解無上士調御丈夫天人師佛世尊妙寶佛塔光明遍滿全珠鉤欄如穿虛空高出千上一切皆見甚可愛樂第一清淨一切天衆見者心樂此諸天中高出如幢堅牢不動猶如禪住種種善寶光明勝妙如正法說第一可愛天如是見汝等天衆共我相

隨住彼塔所供養禮拜或以香塗散華供養此大僊
塔有何希有今共往看若我利益乃至涅槃或身或
命皆得安樂何以故如來世尊雖少說法則能利益
安樂眾生一切眾生必得利益則無有疑我等今者
爲自利益皆共往去尔時天衆旣聞天王如是語已
心皆清淨信天王語白天王言我等皆去供養禮拜
爲自利益爲自安樂尔時如是山樹具足地處諸天
天王在前天衆在後向世尊塔皆共往到到已則見
迦迦村陀如來之塔生敬重心禮拜供養周匝旋遶
尔時塔中衆寶光明形日光明如螢火蟲彼寶光明

勝妙如是彼佛塔中見垂寶版第一光明版有經字
是天神通之所爲作是故不失不破不壞不可拭滅
何故不失迦迦村陀牟尼如來以爲利益諸天人故
說此經典于天人中如是說法何以故天中乃是人
之善道人中乃是天之善道天退之時希人善道人
死之時希天善道如是天人迭爲善道天之與人迭
相愛樂持戒不壞則生天中持五戒者則有二種彼
持戒者以愚癡故生而不熟惟癡者作雖癡而信以
心信故信于佛等修行身善口善意善非是表見乃
至命盡信業果報依法得物以自存活不惱他人敬

6 6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

6 6 7 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

重父母供養父母親近沙門若槃羅門恒聞正法如是癡人惟信相應彼雖癡鈍具足修行身口意等相應善業自性如是不受禁戒如是之人身壞命終生于善道天世界處終心善故得生天中若得生于夜摩天處劣于餘天身色形服及莊嚴具諸天女衆若行若食一切皆劣則生羞慚光明亦少一切欲事具足皆劣彼無智故不知取戒于有戒天有智慧者知取戒者則爲減劣又彼癡故不知取戒而修戒行于佛等中生清淨信乃至不能取一日戒身行善行口行善行意行善行身口意中不能具足一切修行身

行善者謂不殺生及不妄行不斲偷盜比是不能一切修行口行善行惟不妄語于口餘垢一切不避如是惟行一分善行不能具足一切善行若意善行惟信命盡或有餘業或時惟信生夜摩天子次前者轉更劣減于餘修行受戒持戒具足之天形量身色勝莊嚴具若食若行若天女衆壽命長短聲觸色香一切皆劣自見劣故極生羞恥慚于餘天受持戒者復有愚癡不知取戒持戒相應惟心正見得聞佛法敬信三寶佛法眾僧乃至不取一日之戒聞持戒來或于知識教示聞來或于所畏生忌難故不作偷盜次

第聞來若聞佛說以餘業故貧窮而生如是之人畏
現在世畏未來世故不偷盜口中不說破壞之語不
迭相破于破壞者令使和合愛善業故或時傳聞佛
所說語彼破壞語餘業緣故親舊知識妻子奴婢一
切破壞以是業因身壞命終墮于惡道生地獄中如
是之人二種因緣故不兩舌彼人以是業因緣故身
壞命終心有信故或餘業故或生業故信福田故生
夜摩天量色形相一切劣減天女衆劣若處處行飲
食等劣聲觸亦劣味色香命一切皆劣光明亦劣于
他天所則生羞恥如是放逸不取戒故如是三種各

生天中而有優劣惟信佛故或如是思功德勝故或
時本性如是勝故或以心體柔軟勝故或正見勝淡
心信勝不謗不曲不熱惱他如是勝故供養父母生
敬重心如是勝故或願勝故彼人如是如業之心恒
常相續于福田中淡心勢力意思功德有下中上如
是勝業上生天中業相似果決定受得終不虛妄不
疑不得如是定得何況取戒乃至涅槃決定必得終
無虛妄幾種取戒略而言之四衆眷屬四種受戒彼
皆攝果何等爲四所謂比丘諸比丘尼諸優婆塞諸
優婆夷四衆受戒彼如是人可有幾種別別受戒彼

優婆塞略有四種何等四種。一。一分行。二。半分行。三。數數行。四。一切行。一分行者惟持一戒。半分行者謂取三戒。行于三戒。數數行者不常受戒。一切行者受持五戒。又復更有四種持戒何等爲四。一。希持戒。二。半持戒。三。悔持戒。四。合持戒。彼優婆塞于學句海次第漸取。初取三歸作優婆塞。被人修心。復于久時善觀。眷已取一學句于彼學句。堅持不缺。不穿不孔。何者不缺。何者不穿。何者不孔。彼不缺者乃至命盡受持。不捨不起。一念破戒之心于他作者心不隨喜。遮他人作。或令他人安住法中。故名不缺。彼不穿者如彼所受一學句戒。乃于後時捨彼學句。次于後時復更攝取數捨數取。如是名穿。彼人如是學句不穿。離如是持。何者不孔。云何爲孔。于此學句初清淨心知識邊。取取已後時。其心則悔不能護持。心生疑惑。彼疑牽心。心濁而行。非多思行。彼人後時悔火所燒。如是燒已。則捨學句。如是捨已。更不復取。此名爲孔。若人不作如是住者。則名不孔。又彼希行優婆塞者住于缺穿。孔學句戒。云何爲缺。此心不滅。不破不壞。善喜。取戒信心敬重。後時復聞外道法已。心則生悔。寢

5 6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

垢濁心是故捨離復于後時聞正法已還復攝取此名爲缺又復缺者此優婆塞疑于學句如是持戒有供養天億念正法作如是心我于今者爲于佛語而得清淨爲于天所而得思力如是心故二皆供養如是疑心依法持戒此名爲穿又復孔者內心有孔外則善行爲他見故爲供養故受持學句此名爲孔智者如是一切皆捨希持戒行優婆塞者云何名爲希持戒行優婆塞邪此優婆塞取一學句于多時中亦乃復取餘之學句如是次第非是一時不生一心不從一師如是久時希取學句此則名爲希行學句優

婆塞也又復第二半優婆塞半半取行或取二已然後取三或取三已然後取二或于後時亦乃取三或于久時方乃取二此名半行于半半中下增而行增下而行何以故半半學句并合而取如是合行而受持者此名第二半半合行優婆塞也云何第三悔優婆塞前不取戒惟癡心故但于佛等生淡信心彼優婆塞或比丘所聞持戒果功德無量乃至涅槃既得聞已悔火燒心方生敬重乃至命盡持戒不捨此名第二悔優婆塞又復第四合優婆塞彼持戒行一切具足云何名爲合持戒行優婆塞邪此優婆塞聞正

法已則得正法句句處處于經經中十二因緣十二
因緣以知如是十二因法心中生念如是信已惟以
舌根一切持戒攝取滿足于一時中攝取五戒堅持
不缺不穿不孔乃至命盡常如是持四優婆塞如前
所說又下中上如是次第一切中勝具持五戒于一
切中最下劣者謂希持戒最下持戒優婆塞者惟一
念中攝取持戒天則不及天魔王等悉皆不及何以
故涅槃城法能攝取故此一切天于涅槃城不希不
求彼地夜叉見持戒者供養禮拜虛空夜叉如是見
已供養禮拜以如是人隨順法行能報恩故能調順

故如是夜叉或向天說如是之人得現世果若王大
臣或土田主而供養之或施財物隨後行天神通增
長有大勢力諸非法行惡夜叉等不能惱亂不能破
壞隨心所須種種意念皆得具足稱情受樂諸所作
業皆悉成就不多病患面色清淨睡眠安隱覺時喜
樂妻子奴婢及餘客等攝取不離身壞命終生于善
道在彼天中量色形相一切皆勝持戒勝故如是勝
生如是業力以持戒故得是大果本人中時所集善
業夜摩天中放逸行故一切皆盡眾生之心業網縛
故復于後時墮于地獄餓鬼畜生是故皆應勤行精

進乃至未得聖印以來如是精進若心自在放逸而行彼天退時心則生悔墮于地獄餓鬼畜生善業盡故是以應當捨離放逸如是第四善優婆塞得現生樂若能次第不斷精進則到涅槃如是一種是優婆塞佛之眷屬次復云何是優婆夷佛之眷屬凡有幾種佛優婆夷優婆夷者則有四種一是有信二是種姓隨順次第二調伏行四近住行言有信者彼優婆夷種姓熏心其心柔軟善修其心彼優婆夷少聞佛語聞已能知知已得味味已則入謂入法律彼優婆夷住善心已然後受戒婦女之心不能拘執聞外道語心則不受不捨佛法乃至不與外道共語惟于佛等生清淨心具受五戒此名有信優婆夷也云何種姓隨順次第優婆夷邪種姓賢善隨順法行人法信法法救法歸法性法堅不行惡業他道論師不能破壞常優婆塞種姓中生于佛等中極生信心彼種姓中若生于女彼女則能隨順次第自從生來常聞佛語供養沙門此優婆夷恒常聞義此優婆夷常一切時相續熏心受戒持戒此是種姓隨順次第優婆夷也彼調伏行優婆夷者謂本不信佛法僧等彼若得近善知識故信于佛等近他因緣他令使信見他功

德持戒具足。數數取戒。彼優婆夷則名調伏。彼近住行優婆夷者。若有女人常近外道知外道法。見其威儀知威儀已。乃至後時近佛弟子沙門之所。見其威儀從其聞法形相行食舉動進止身著袈裟去來。宗靜如是見已。然後次第棄捨外道信于佛等以相近故。是以調順從其受戒名近住行優婆夷也。如是四種優婆夷衆。如是四種優婆塞衆略說。如有信解故心相續故。他因緣故次第近故。如前所說優婆塞衆所有因緣優婆夷衆亦皆如是入于法律如優婆夷所有因緣優婆塞衆亦如是入心相續故。優婆塞衆優婆夷衆已行不別。一切善攝正見正行。彼心皆有下中上故。身壞命終皆悉生于善道天中。彼有生于夜摩天者。如所集戒正行不同。如是生于餘天之中。以善持戒和集相應得生天已放逸而行不勤精進。諸未得聖皆福業盡。復生地獄餓鬼畜生福德盡故放逸過故。若其有天不放逸行。彼則到于樂中樂處。彼以持戒善修行故是故不應起放逸心此放逸者如毒不異。一切世間愚癡凡夫爲貪所誑而行一切不饒益行。一切生死繫縛不離是故天人應捨放逸。若天若人如是持戒故得生于第一好處放逸過

故福德則盡彼如是人自誑太甚或墮惡道或長久時流轉生死牟脩棲陀夜摩天王如是善心示其天眾彼佛塔中版上經字作如是言彼佛世尊憐愍衆生利益天故神通所化彼天聞已第一勝心厭離生死捨放逸行如毒不異此優婆塞及優婆夷眷屬已說

正法念處經卷第四十四

校譌

第二葉二十一行

以字疑誤未正第六葉凡行

此字疑作比字

新野信官馬之駿助刻于寒山化城菴

正法念處經卷第四十五

元魏婆羅門瞿曇般若流支譯

觀天品第六之二十四

夜摩天之十

云何比丘及比丘尼二種眷屬彼有幾種有何功德有何等行云何持戒幾種持戒如是沙門世尊弟子或是比丘或比丘尼求涅槃行勤行精進若晝若夜能令魔衆眷屬怖畏幾比丘尼黠慧正行如法律行心無所畏向涅槃城求于實諦求實諦故持戒不越如是則能入涅槃城修何等行功德相應一切女人愛欲近欲二是功德一切善者最初如是真實觀答

男身自身見彼男身或與身等或大于身如是見已
生于兄弟父母等想如是修心此婦女人欲樂爲本
若相近者意常希望若晝若夜若坐若臥若睡若寤
若餘所作若少若老若是中季若住平處若住惡處
若苦若樂若病無病若護不護若禁不禁若大姓生
若小姓生若媚若醜若道邊住若家中住若聚落中
或于空處若或莊嚴若不莊嚴若繫在獄若不在獄
若夫愛樂若不愛樂若近尊長在尊長前若近卑賤
若近平少若近老季一切婦女子一切時于一切處
欲常縛心欲在心中譬如火熱如地之堅如風輕動

如水溼潤如四大中所有自相皆不顛倒于一切時
皆不自離女欲如是常隨繫縛不曾暫離如是女人人
復有二垢所謂嫉妒如是二垢復有餘垢共生不離
所謂諛誦彼復有垢隨逐不離所謂欺誑彼復有垢
隨逐不離所謂憍慢彼復有垢隨逐不離謂衰惱處
衰惱處者近于富男而共行欲彼復有垢隨逐不離
所謂躁擾心常不住彼復有垢隨逐不離所謂誣枉
親舊知識兄弟眷屬彼復有垢隨逐不離所謂能于
大會之中損壞威儀彼復有垢隨逐不離所謂兩舌
彼復有垢隨逐不離所謂私語彼復有垢隨逐不離

所謂貪食。彼復有垢隨逐不離。所謂能行不應行。欲
彼復有垢隨逐不離。所謂叵信。彼復有垢隨逐不離。
所謂說他之婦女壞威儀事。彼復有垢隨逐不離。
謂愛鬪。彼復有垢隨逐不離。所謂辱人。彼復有垢隨
逐不離。所謂壞亂。能令村柵聚落壞亂。彼復有垢隨
逐不離。所謂近此婦女。因緣墮于地獄。如是婦女如
屎如毒亦如利刀。如墮險岸大火曠野惡毒蛇等。一
切相似。婦女之心悉皆如是。如是等心婦女之人既
見三寶讚嘆稱說。聽聞佛語。婦女之心則可柔軟。彼
復更有希有之法。如是對治。如是堅鞞。垢惡之心對

治二種。謂自生心。或爲他教。以信出家。自生心者。善
熏心。故爲他教者。近善知識。彼如所說。諸過闇聚從
無始來。依止心者。能令散失。彼初如是出家。希望比
丘尼者。近善知識。何以故。此如所說。諸垢對治知說
爲說。令其善住。善能爲解苦惱結縛。令得解脱。安隱
樂住。善知識者。安慰示導。無始來闇能令失滅。示其
善道。拔無始來惡欲等刺。于愛惡處。則能救免。示常
不生不死。不老安隱之處。彼如是垢對治之處。我今
說之。如次第說。如隨逐垢。如彼對治。令得安靜。一切
如是。婦女嫉妒多于男子。如是彼此逆順對治。出離

生死女欲多故不淨對治如身實見身是病藏不善之聚一切不淨糞尿等處彼于此身或自或他如其自相如是觀營觀其本藏此身本從何處出生彼見精血不淨和合集聚如汁二家惡汗合爲一身如是身者不淨種子而生此身又復彼女如是觀身此身若從不淨種子而得生者如此身中無少淨法彼比丘尼復更諦求觀身九種惡瘡不淨從身流出如婦女身男身亦尔婦女男子九種瘡流婦女之身三種大過何等爲三所謂婦女尿門寬大兩乳汁流是名三種又復男女平等瘡流鼻兩孔中竝皆流涕兩目

出淚兩耳孔中或有垢出或有血出或有膿出口中氣臭或痰故臭唾沫流出于下分中若屎若尿血等不淨如是如實觀營此身諸不淨已如是億念此身聚中無有淨物微塵許流一切皆是不淨之物如此身者何物住中何者依止若有淨物來近此身身猶不淨身不淨故如是淨物亦同不淨隨何等物本清淨者若來觸身則爲不淨所謂彼物本清淨者若食第一清淨之食彼食入身則成糞尿此身如是飲清淨物入身成尿外物觸身由此身故一切淨物皆爲不淨所謂淨者一切香衣若令身著汗出則臭又復

如華本一切香與身相著萎焉氣臭彼比丘尼復觀
晉身如此身者何處住來謂本在于母身藏中母身
云何爲淨不淨彼比丘尼如是觀晉我母本性亦復
如是一種不淨彼比丘尼又觀晉身如此身者何處
而住于何處行彼如是處爲淨不淨如是觀已如實
見知一切所有清淨之處隨何等處如此之身若死
若活若在彼處彼如是處則有蟲垢髮毛骨等能令
彼處悉皆大臭以如是身在彼處故彼比丘尼爲斷
欲故復觀晉身如是身者爲誰所食云何觀晉如實
見之所謂羅刹諸惡鬼等諸不淨者之所食啖非是

鵝鴨及鴛鴦等淨潔衆生之所食啖彼比丘尼復實
觀晉如是身已則見此身惟衰所攝顛倒分別不正
觀晉闇眼現前男女相近欲繫縛心不見不淨彼以
如是決定觀晉此無始來久習堅欲皆得斷滅或令
微少一切垢中癡垢最惡一切婦女欲爲最惡欲垢
因緣更生餘垢若以對治除欲垢者餘一切垢皆滅
無餘如日沒時光明盡沒如是斷除垢根欲故餘垢
盡滅彼比丘尼此道滅欲彼欲滅故餘共生垢一切
皆滅何者共生所謂妒嫉若男若女所有妒嫉皆因
欲故妒嫉二垢欲是其根彼欲斷時或微薄故彼二

則滅。又彼二垢復有餘垢隨逐繫縛。何者。餘垢所謂謾詭。從妬嫉生。妬嫉滅故。謾詭亦滅。從謾詭垢復生。餘垢隨逐繫縛。所謂欺誑。謾詭滅故。則無欺誑。從欺誑垢復生。餘垢隨逐繫縛。所謂嬌慢。欺誑滅故。則無嬌慢。從嬌慢垢復生。餘垢隨逐繫縛。謂衰惱處。嬌慢滅故。無衰惱處。從衰惱處復生。餘垢隨逐繫縛。所謂躁擾。衰惱處滅。則無躁擾。從躁擾垢復生。餘垢隨逐繫縛。謂誣枉。躁擾滅故。則不誣枉。從誣枉垢復生。餘垢隨逐繫縛。謂壞威儀。無誣枉故。不壞威儀。從壞威儀復生。餘垢隨逐繫縛。所謂兩舌。一切婦女兩舌。

破壞不壞威儀則無兩舌。從兩舌垢復生。餘垢隨逐繫縛。所謂私地屏處。說他兩舌滅故。則不私語。從私語垢復生。餘垢隨逐繫縛。所謂貪食。婦女腹內飲食則多。一切婦女常貪欲。食多置腹中。自養其身。不私語故。則不貪食。從貪食垢復生。餘垢隨逐繫縛。所謂能行不相應欲。一切婦女貪飲食故。則不相應惡表欲。發彼貪飲食貪垢滅故。彼不相應表欲。則無從彼惡表不相應欲。復生。餘垢隨逐繫縛。所謂叵信。若有婦女不相應欲。一切諸人于彼婦女皆生疑慮。爲一切人之所不愛。彼不相應表欲垢滅叵信則滅。從叵

信垢復生餘垢隨逐繫縛所謂能說他之婦女壞威儀事叵信滅故則不說他壞威儀事從說他垢復生餘垢隨逐繫縛所謂愛鬪說他滅故愛鬪滅故從愛鬪垢復生餘垢隨逐繫縛所謂辱人愛鬪滅故則不辱人從辱人垢復生餘垢隨逐繫縛所謂壞亂能令村舍聚落壞亂辱人滅故則不壞亂此一切垢上上次第相住持者一切皆滅如是自體根本繫縛婦女之心更無有法能令永輒惟除佛語知識口說從其得聞彼婦女人如是聞已如是難捨住處家業捨而出家若其不能盡滅諸漏則能專心持戒修行初修不殺不盜不淫不作妄語不破壞語不作惡口不作綺語一切善修常數數修樂修多作如是婦女身壞命終生于善道欲界天中若不厭欲業心自在生夜摩天山樹具足地處之中得丈夫身善能如是持戒不缺如是既得彼天身已則行放逸放逸行天善業盡故復墮地獄餓鬼畜生復生如是上上垢惡婦女之身。尔時世尊而說偈言

滿足諸過惡無量種和集婦女則無心少分修持戒
以欲勢力故婦女不持戒若離欲勢力于戒則能持
牟脩樓陀夜摩天王如是爲說本生持戒而語之言
汝等男天如是人中女身持戒生此天處本婦女身
持戒善業汝身男生如是生已放逸故盡汝等天衆
如是自欺從今以後慎勿如是放逸而行世尊如是
已調伏天爲作利益彼如是等一切正覺正遍知者
四種眷屬彼眷屬中第二眷屬婦女姊妹隨順次第
比丘眷屬如彼次第比丘持戒第一勝上善修心意
如是比丘自他惱亂見則生畏于世間中生死之道
則生厭離其心怖畏一切生死乃至微少塵許小惡
見則生畏諦觀營行無所希望第一深心第一種性
正行持戒布施熏心于四聖諦正念思惟幾種比丘
幾種法行比丘不越四種正法何等爲四所謂一者
不獨道行是初比丘何以故獨行比丘行聚落中則
爲輕賤或復自在以自在故則破學句若干村中若
城等中人衆之處隨意念行于餘比丘不生忌難見
多婦女則生疑慮其心躁擾看彼婦女俗人見之則
生譏嫌見他譏嫌則生瞋忿如是比丘心中生此第
二瞋過如是比丘瞋欲覆故心則愚癡如是出家獨

行沙門行于人中三過增長是故不應獨行人中。此是一種又復第二不越比丘如是比丘念身而行此比丘行欲在道行專念自身謂如是念我舉此足心及心數觀管其足如是比丘從足至頭一切身分皆悉觀管或舉右足或舉左足常觀此身脈網繫縛脂骨皮筋繫縛足踝業風吹行心則不斷若舉若下若舒若屈足舉則攝足下則寬如是腳者筋網繫縛大小五指和合爲腳舊爪新爪合爲足趺觀足趺已次觀足脰猶如合汁甘蔗之莖肉泥封塗以筋繫縛骨中孔長筋纏其外前因緣生有毛覆皮外有毛聚皮

如蠅翅以覆脰外彼如是脰一舉一下如實觀之經行處行令身來去次復觀管此身二脰筋血脂肉骨等合成如是觀管心及心數業風所吹是故動行又復觀管此身二脰子脰爲麤多有筋肉迭相纏縛以肉塗上以肉傳上血爛爲汁汁脂內滿惟見外皮心生憂染若舉一腳下蹋之時如實觀管復舉第二舉第二腳亦如是觀足舉則攝著地則寬或伸或屈如是次第堅處孔處一切觀管欲行欲動或餘種種皆是風吹兩腳已上如有瓶等中有熟臘所謂屎尿不淨惡汁一切所見不堅不淨二腳行故彼瓶隨去并

其所盛一切諸物皆悉隨行。彼于行時如是如是。隨順繫念。又彼比丘于彼上瓶搖動其身觀簷而行作如是念我云何行。上身動行觀大小腸。彼見舉脚氣共腸動。大腸小腸一切動轉。或從左廂去至右廂。或從右廂去至左廂。如是腸中有風黃冷屎尿蟲滿并腸轉動。又彼比丘觀簷動已。如實觀簷。彼腸已上所有生臟筋縉繫縛下。上傍廂脈網纏之內有爛沫飲食水汁。彼食猶如新吐冷沫爲生臟覆滿生臟中。第一大臭上與咽連。筋脈骨持惟有業風。共心心數相隨持行。比丘如是觀簷身已觀身動行我身上面頰進比丘于法不越。又彼比丘村城聚落多人住處。入中乞食既乞食已。如是觀身如是一切婦女男子。皆觀簷。彼能如是善修習行勤發精進。欲等離心不入其心。如是比丘善調伏根勝而不劣。如是比丘希望利益。不越法行。又復第三修行比丘所謂比丘常

修正念。正念比丘心不散亂是善知識常有善意有不亂意如是比丘天常隨行天魔不能與作妨亂云何正念謂知欲行心心數法已生欲生如是能知不放逸意憑緣不緣一切皆知心心數法若善不善無記等法一切皆知心如是念我諸善法因緣故生所謂我當利益安樂乃至涅槃我今破壞餘不善法以我善法心心數法生因緣故則破不善此不善法若不破壞令我後時當不利益當不安樂如是善法及不善法如實而知知已思量如是等法心意所知分分觀營有五種念不味不著心不分別先所作者不

念不樂何者五念謂念眼色若前境可憂者來眼境眾色若近若遠善色惡色本曾見來或他用來種種諸色如是比丘見已不味心不思惟何因緣來捨彼因緣如人畏燒避火不異如是比丘畏欲火燒初染之時歡喜愛多後時苦多本所味色心則不念心不分別不住于心自本愛色今不復念亦不分別亦于他身曾愛之色心則不念不念于他他所念色心亦不求如是如是自身或弟子等自他俱遮令不味著不生隨喜令住正道如是比丘名爲清淨正念不貪于不染法相憑正行如是比丘眼不著色又復比

丘第二念者謂念耳聲如是比丘正念觀聲若耳所聞極可愛聲若歌若舞打鼓拍手戲樂等聲曾所聞者不念不味心不樂著亦不分別何因緣聞捨彼因緣如畏燒者捨火不異如是比丘捨離彼聲或遮他人或自兄弟所聞之聲一切皆遮令住善道心不隨喜如是比丘自他利益不食音聲以勝念故于聲不著是名比丘第二正念如是比丘耳不著聲又復比丘第三念者謂發精進正意宗靜梵行持戒如是比丘不念不味意不生念若本用香若復熏香若香若臭若淨不淨若遠若近一切不念于香無心何因緣來捨彼因緣若是他人若自弟子若鼻艶香生味著者如是比丘則便遮之心不隨喜自行善業亦令他人住于善法心常善念正行不貪鼻不貪香如是比丘得名除垢善修持戒心生善念又復比丘第四念者先曾所得可愛諸味若愛不愛若久時味若近時味不念彼味不味彼味心不分別何因緣來捨彼因緣如畏燒者捨火不異若干他人或自弟子若貪著味如是比丘則便遮之心不隨喜此名比丘不貪著丘第五念者曾所得觸先已觸來彼觸染樂輒滑生

6 6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

垢于彼欲法不染不味心不分別何因緣來捨彼因
緣如畏燒者捨火不異若他人身貪觸染著不生隨
喜善觀觸法此名比丘離觸清淨名善持戒修行善
法得名善住次第乃至到于涅槃又彼比丘復有五
念應當修行何等爲五一念時節二念少至三念生
死四念具足亡失散壞五念涅槃欲到涅槃如是比
丘云何念時謂彼比丘常一切時繫念修行不迷境
界不爲境界之所破壞不失不散比丘不念此畫此
夜如是時節不念不知于覺悟時出息入息與意相
應常不離意如出入息乃至一念皆決定知出入二

息在我腹內是故我腹若起若滅以二息故我陰入
鬼而得存立諸有爲法一念不住陰鬼入等出于軒
氣此若氣生共氣俱滅破壞爛盡復于後時因緣異
生氣共生滅一念不住彼念比丘如是念時繫念相
應比丘如是自觀此身鬼陰入等和合聚集一切不
住惟有苦惱一切身分非有作者非有受者迭相因
緣平等共生如是身者念念流轉于念念中生死老
退諸行聚集如是比丘修行不空如是修行念時比
丘以念時故決定必得四種清淨一心清淨心清淨
故面色清淨善業清淨未來利益次第乃至到于涅

樂。或復他人見其持戒。彼檀越主第一歡喜。生清淨心。如是四種持戒比丘。如是實義。思惟清淨。如是一切普清淨故。則得安眠臥見善夢。隨順于法。彼常如是不放逸行。不放逸故。得七種法。何等爲七。一法無礙思惟。善法。彼善業者心。則歡喜。歡喜增長歡喜。因緣身。則肥盛。身肥盛故。名色二法。迭互因緣。此因緣故。身則肥盛。身無病患。身之與心。迭互相依。則善聰明。言聰明者。念本作業。如是念故。聰明增長。念善法。故如是增長。既思惟已。樂亦增長。樂增長故。力亦增長。如是增長七種法故。夜則安眠。夜安眠故。修身修長。

心比丘。如是念于夜時。云何比丘。念于晝時。如是比丘。念眼開合。我念眼合時節已過。則念已過。如是時節共心。心數相與俱滅。皆悉散壞。如是時節次第失滅。或滅或生于出息頃。命已盡滅。我今老時次第欲到。我少已盡。欲到餘有。漸次決定。欲到死時。我一切命當失不久。一切方便不可得離。一切衆生無因緣怨欲來壞命。譬如然燈火。食酥油。念念盡滅。如是如是老死之火燒命。酥油念念盡滅。如是繫念知無常。已勤修善法。此之內法。如是速疾。念念無常。念念盡滅。誑生貪者。念念盡壞。如此內法外亦如是。一切世

間有爲之法。速疾無常。念念盡滅。如是山河城邑聚落。藥艸園林。一切人中。一切天中。必當失壞。如是園林蓮華河池。以一切天放逸而行。先已曾失。今失當失。彼爲放逸之所壞故。隨于地獄餓鬼畜生。自業成熟。如是比丘。此如是等。一切世間無量動轉破壞無常。不亂其意。乃至一念意常不亂。堅固億念。正念不亂。一心諦觀。正意不亂。又彼比丘。正念彼時。我如是威儀。如是正行。此時應起。此時行禪。如是時中親近尊者。此時我食。此時著衣。此時我去到檀越家爲其說法。我于此時離檀越家。如是行去。如是比丘念知行時。云何比丘念于少季。謂此比丘念于自身。乃至在胚胎中之時。念如是少。次第相續。如是少身。念念不停。謂歌羅邏次安浮陀。次肉團時。次身分時。次嬰孩時。次童子時。次中季時。次老季時。如是法體念念不停。少身次第。此念念時。愚癡凡夫。不覺不知。放逸。破壞。癡水所漂。在愛河中。如是漂已。復墮餘處。同衆衆中。業鎖繫縛。相續流轉。復生餘處。又自業行。于自身心。隨順繫縛。母精血中。作安浮陀。次肉團時。次第開張。身分具足。人道中生。要孩童子。少季中季。及老季時。次第至死。如是一人。如是展轉。一切欲界。一切

道中各各差別皆以業風吹彼衆生從少至等次第而得如身自業如是差別如是比丘念于少至又復比丘第三念者精勤修行必定常得念于何法所謂生死若晝若夜恒常修行一切衆生乃至終盡有命皆死三界眾生一切無常生死之法有爲衰惱恩愛別離天中退已墮于地獄地獄中出生于天上若人中死生于地獄餓鬼畜生及天人中餓鬼中死生于地獄餓鬼畜生人天之中如是下上傍廂生死業風所吹旋轉而行自業成就流轉在于生死海中如是比丘若晝若夜修生死念如是修已彼若念慢常令

人迷樂于虛妄以正念故此慢或薄或皆盡滅第一勝念謂念生退是故欲入涅槃城者修行此念何以故以我慢故心常虛妄顛倒求常在生死中流轉常行憂縛縛故于彼常處則不可得尔時世尊而說偈言

得脫于憂畏無有諸希望勇健離疑者則能得常處若沒于有水心常喜樂欲彼人心虛妄何能得常處若人虛妄心境界中喜樂彼人迷法道則生地獄中放逸妨亂心不能真實見放逸猶如火是故應捨離放逸故能失一切善法藏盡一切方便不見凡夫道

十法皆失壞樂于放逸毒亦以放逸故四禪盡皆失
放逸縛衆生能縛而非色常處則是樂離放逸則得
若人意不迷常畏于生死彼則脫惡道得安隱宗靜
如是修行念生退念如是修行生死念已則常不迷
彼觀世間一切有爲生退法已眾離生死種種觀已
觀生死苦有無量種此無量種世間衆生一切放逸
隨何等時捨離放逸能一切時觀管無常觀管盡滅
見盡滅已觀管佛念如是之人則能盡苦又復比丘
第四念者所謂修行一切具足悉皆失壞念彼具足
一切失壞此念比丘不樂利養不貪檀越往返來去

亦不樂見王若大臣若見王者不生樂心憂不能妨
又于晝夜不生分別于他具足若臥具等心不分別
不生希求以爲已物如是見已不生嫉妒心如是念
如是衆生決定死亡一切具足必定失壞如是如是
具足增長如是如是憂亦增長又復如是具足失故
希望更得有無量種無量分別心生苦惱彼苦惱者
不可譬諭如是比丘如是觀見具足失壞既觀見已
則于後時不希天王況復人王若轉輪王何以故見
無量種失壞苦故若王大臣或大長者刹利大姓種
種具足更有大力能破壞之種種具足一切皆失妻

子奴婢客等捨離失財物故得大衰惱他強勝故則爲劣減四出巷中處處而行手足壞裂唇乾衣破飢渴羸瘦身體枯燥從城至城從村至村從山至山從邊地處至邊地處受如是等無量種苦比丘如是既觀管已復更思惟墮于無量險岸惡處于生死處生狀離心如是比丘復見人中種種具足一切失壞如是見故如是比丘思惟天處若此人中如是無量多種怖畏不得自在刀賊水火王種衰惱財寶具足富樂失壞何況復于離肉骨汗天樂處生有天華鬘在頭莊嚴無量百千天眾圍遶多有無量諸天女衆游戲歌舞喜笑受樂在天園林蓮花水池山峰則有七寶光明聚集樂行五樂音聲種種天歌七寶間雜堂殿光明常一切時身無量種勝勝妙事不可譬諭天境界中受樂成就迭互相愛無有鬭諍隨所須念一切皆得五樂音聲心受快樂若如是樂具足失壞則得苦惱以業盡故復墮地獄餓鬼畜生臨欲墮時如是生處次第無隔已于久來無量種作皆得苦惱復生異處種種苦惱如是彼天若生地獄彼地獄中大力熾火周帀燒身甚爲飢渴不可譬諭受大苦惱作地獄業作業道已見于自身墮活黑繩合喚大喚熱

大熱等如是七種大地獄中惟除阿鼻最大地獄資生離別生大苦惱見苦惱事彼苦惱事不可得說如是比丘常一切時晝夜修行如是正念又復比丘念彼如是財物具足資生失壞修行此念念天人中有一如是事自餘三道則無財物資生之具何得有失所謂地獄餓鬼畜生人中心有相似樂受非是自在于彼人處則有五種具足失壞何等爲五謂眼于色若愛若樂見則希求希求味著爲樂攝取如此顛倒不利益者則不愛樂見不淨色彼于色中心則惡之是故無樂如是具足與彼失壞同一根本又彼比丘隨順繫念具足失壞何者具足云何失壞謂耳聞聲耳聞聲已隨順彼聲愛樂相應心生歡喜如是具足又所聞聲有異因緣所謂四大于四大聲心不愛樂不生歡喜與心相違不利益心是名失壞又彼比丘聞好華香和合末香種種雜香聞艱香等種種諸香順心受樂彼香因緣則生樂心能令欲發又彼比丘隨念思惟彼念香者思惟彼人鼻艱諸香彼一一香有無量種所謂爛冕與心違違聞糞尿等無量冕氣心不喜樂彼人如是此物失壞又彼比丘專心繫念復有異種世間之中具足失壞云何繫念于人世間古

味愛樂順心喜樂食味易消。消已則適得命色力樂
辯才等心生喜樂。若復餘味不可愛樂。違心不樂。食
之難消。心則不適于命色力。安樂辯才資用則微。惟
生苦惱。彼人如是此物失壞。又彼比丘復念身觸可
愛可樂。寒時得溫熱時得涼。順心生樂。人世間中如
是具足。若異因緣復令身觸不愛不樂。心不生樂。熱
時不涼。寒時不溫。違心受苦。不喜不樂。惟生苦惱。世
間人中如是五種具足失壞。比丘如是若晝若夜繫
念修行。

正法念處經卷第四十五

校讎

希怖

二字互出怖俗書今並作希正作稀

嚙喴

二字互出喴俗書今並作嚙字

第十

七葉十七行

知字當作丘字未正

音釋

萎

非是當作萎也

蕪

烏軋切今正作蹋

鎖

藏作鑽

救切腐氣也

新野信官馬之駿助刻于寒山化城菴



眞釋音寶惠文大師傳於千乘小藏書

妙法蓮華經解本旨

妙法

妙法蓮華經解本旨

妙法

音釋

土惠子

土惠

音釋

帝耐今

帝耐

6 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99

